

INFO



Informativni časopis Općine Novi Grad Sarajevo | april/maj 2015. godine | Broj 13

**Otvoren most
u Reljevu**



**Svečano obilježen
Dan Armije BiH**



**Pušten u rad rezervoar
"Donji Mihaljevići"**



**NOVI GRAD DOBIJA
BICIKLISTIČKU STAZU**

Novih 19 pripravnika u "Zraku"

**Završena pristupna saobraćajnica
DZ "Kumrovec"**

Otvoren prvi BOSCH servis u Sarajevu

**I ove godine osigurana povoljna
finansijska linija za privrednike**

19. TRADICIONALNA
MANIFESTACIJA



"NOVOGRADSKI DANI"

30. 5 - 30. 6

2015.



Srebrni sponzor manifestacije



Srebrni sponzor manifestacije



Sponzor koncerta
ZABRANJENO PUŠENJE



SADRŽAJ:

	Općinsko vijeće	6
	Kabinet načelnika	10
	Privreda	13
	Infrastruktura	22
	Obrazovanje	40
	Kultura	47
	Sport	48
	Obilježavanja	53
	Ostale vijesti	64
	Predstavljamo MZ	70

Telefoni za hitne intervencije:

HIGIJENSKI SERVIS
++ 387 61 22 99 40

DEŽURNI INSPEKTOR
++ 387 61 22 99 49

IMPRESUM:

IZDAVAČ:	Općina Novi Grad Sarajevo Tel.+387 33 291 100, 291-313 E-mail: ngsabih.net.ba www.novigradsarajevo.ba
UREĐIVAČKI KOLEGIJ:	Hamdija Dizdar, Amina Vatreš-Nezirević
LEKTOR:	Lejla Veiz
DTP	Ermin Okerić

VAŽNIJI TELEFONI I E-MAIL ADRESE

Služba za poslove Općinskog vijeća

033 291-130, fax. 033 291-271
vijece@novigradsarajevo.ba

Općinsko pravobranilaštvo

033 291-162
pravobranilastvo@novigradsarajevo.ba

Stručna služba za poslove kabineta općinskog načelnika i zajedničke poslove

033 291-100 033 291-103; fax. 033 291-278
infonovigrad@novigradsarajevo.ba
ngsa@bih.net.ba
aminapress@novigradsarajevo.ba

Općinska služba za obrazovanje, kulturu, sport i lokalni integrisani razvoj

033 291 117
033 291 281; fax. 291 170
obrazovanjeirazvoj@novigradsarajevo.ba

Općinska služba za boračka pitanja, rad, socijalna pitanja i zdravstvo

291-237; fax.291-164
boracka@novigradsarajevo.ba
033 291-173; fax. 291-173
radisocijalnapitanja@novigradsarajevo.ba
291-306; fax.291-281

Općinska služba za privredu, finansije i inspeksijske poslove

033 291-122
privreda@novigradsarajevo.ba
finasije@novigradsarajevo.ba
ngsafin@bih.net.ba
291-234; fax.291-319
inspekcija@novigradsarajevo.ba

Općinska služba za urbanizam, imovinsko-pravne poslove i katastar nekretnina

033 291-120; fax. 033 291-224
urbanizam@novigradsarajevo.ba
033 291-279
imovinska@novigradsarajevo.ba

Općinska služba civilne zaštite

033 291-114
cz@novigradsarajevo.ba

Općinska služba za opću upravu

033 291-233;
opcauprava@novigradsarajevo.ba
maticniured@novigradsarajevo.ba
cern@novigradsarajevo.ba

Općinska Služba za lokalnu samoupravu

033 291-344
mz@novigradsarajevo.ba

Općinska služba za investicije, komunalnu infrastrukturu i stambene poslove

033 291-116
investicijeikomunalno@novigradsarajevo.ba



OBILJEŽAVANJE GODIŠNJICE BITKE ZA BRDO ŽUČ

8. JUNI
DAN ODBRANE
OPĆINE NOVI GRAD SARAJEVO

PLATO BRDA ŽUČ
U 17. 30 h



Bosanska tržnica
DOBRINJA

Srebreći sponzor manifestacije





Općina Novi Grad
Sarajevo

19. TRADICIONALNA
MANIFESTACIJA



"NOVOGRADSKI DANI"
2015.

30. 5 - 30. 6

Srebrei sponzor manifestacije

MEGAMIX

bh



25. SJEDNICA OPĆINSKOG VIJEĆA NOVI GRAD SARAJEVO

Za sanaciju i održavanje lokalnih nekategorisanih cesta, Općina Novi Grad izdvojila 1.159.000 KM

Najviše cesta bit će asfaltirano u naseljima od Dobrinje do Buča Potoka, na Aneksu i u Švrakinom Selu, a sanirat će se i uništene ploče na trgovima na Alipašinom Polju i Dobrinji

Općinsko vijeće Novi Grad Sarajevo na 25. radnoj sjednici, održanoj 31. marta 2015. godine, usvojilo je Program sanacije, rekonstrukcije i održavanja lokalnih nekategorisanih cesta na području općine Novi Grad Sarajevo za 2015. godinu. Za tu namjenu iz ovogodišnjeg budžeta Općine Novi Grad Sarajevo izdvojeno je 1.159.000 konvertibilnih maraka, što je za oko 400.000 više nego u prethodnoj godini.

Kako je pojasnio načelnik Općine Semir Efendić, najviše nekategorisanih cesta na

području ove lokalne zajednice nalazi se u padinskim naseljima od Dobroševića do Buča Potoka. To su uglavnom neasfaltirane ulice koje će biti obuhvaćene ovim programom, kao i ulice na Aneksu i u Švrakinom Selu. Pored toga, u sklopu redovnog održavanja cesta bit će sanirane uništene ploče na trgovima u naseljima Ali-pašino Polje i Dobrinja. Usvajanjem Programa sanacije, rekonstrukcije i održavanja lokalnih nekategorisanih cesta stekli su se uslovi za pokretanje procedure javne nabavke za izbor izvođača radova, tako da se početak



Sarajevo za ovu godinu.

Na 25. sjednici Vijeća usvojene su i Odluka o utvrđivanju prosječne konačne građevinske cijene jednog metra kvadratnog korisne površine u stambenoj izgradnji na području općine Novi Grad Sarajevo za 2014. godinu, zatim Odluka o utvrđivanju visine naknade za gradsko građevinsko zemljište, ostalo građevinsko i poljoprivredno zemljište na području općine Novi Grad Sarajevo za 2015. godinu.

Također, usvojen je i prijedlog Odluke o visini naknade za pogodnost građevinskog zemljišta – rente na području Novog Grada za ovu godinu, te Odluka o rasporedu sredstava za finansiranje projekata boračkih udruženja u 2015. godini, kao i Program uređenja građevinskog zemljišta za 2015. godinu.

Usvojen je i Nacrt Programa kulturno-sportske manifestacije „Novogradski dani 2015“ i upućen u javnu raspravu u trajanju 15 dana. Eventualne primjedbe, sugestije i prijedlozi mogli su se dostaviti Općinskoj službi za obrazovanje, kulturu, sport i lokalni integrisani razvoj Novi Grad Sarajevo.

Vijećnicima su prezentirane i informacija o realizaciji poslova u vezi sa primjenom Zakona o matičnim knjigama, te informacija o realizaciji pomoći u plaćanju prijevoza učenika sa poteškoćama u kretanju u 2014. godini.

U radu Općinskog vijeća Novi Grad, od 31. marta 2015. godine, učestvuje Elida Pehilj, koja participira u Vijeću umjesto dugogodišnjeg vijećnika SDA hadži Nedžiba Džanke, koji je nedavno preminuo. Tim povodom, na samom početku sjednice upriličeno je svečano polaganje zakletve.



radova očekuje za mjesec-dva, odnosno nakon okončanja procedure odabira izvođača.

Vijeće je donijelo i Odluku o provođenju izbora za članove Mjesne zajednice „Zabrđe“, koji su održani u nedjelju, 10. aprila 2015. godine od 8 do 19 sati u ulici Avde Palića broj 62. Izbore za članove Savjeta MZ organizirala je i provela Izborna komisija za izbor organa mjesnih zajednica. Pravo da bira i da bude biran na tim izborima imao je svaki građanin mjesne zajednice upisan u izvod iz biračkog spiska te mjesne zajednice, odnosno koji ima prebivalište na području te mjesne zajednice.

Unapređenje poljoprivredne proizvodnje

Donesena je Odluka o vrsti podsticaja, kriterijima i načinu provođenja podsticajnih mjera u oblasti primarne poljoprivredne proizvodnje na području općine Novi Grad Sarajevo, kojom se utvrđuju namjene novčanih podsticaja, vrste, kriteriji i način provođenja podsticajnih mjera za unapređenje poljoprivredne proizvodnje na području ove lokalne zajednice iz sredstava predviđenih budžetom Općine Novi Grad



ODRŽANA 26. SJEDNICA OPĆINSKOG VIJEĆA NOVI GRAD



Preduzeće Lokom u prošloj godini prvi put poslovalo sa dobitkom

Vijeće usvojilo izvještaj o implementaciji Strategije razvoja Općine Novi Grad Sarajevo za period 2014 – 2020. godina, u okviru koje je relizirano ukupno 63 posto mjera od planiranih Akcionim planom za 2014. godinu

Općinsko vijeće Novi Grad Sarajevo održalo je 30. aprila 2015. godine, 26. radnu sjednicu, na kojoj je razmatran i usvojen izvještaj o poslovanju JP „Lokom“ za 2014. godinu. Prema izvještaju koji je prezentiran Vijeću, ovo preduzeće je u protekloj godini po prvi put od osnivanja pozitivno poslovalo sa ostvarenim dobitkom od 32. 900 konvertibilnih maraka.

Kako je istaknuto, produkt napretka preduzeća je prije svega odgovoran i domaćinski odnos prema imovini koja mu je data na upravljanje. Također, zahvaljujući naporima menadžmenta preduzeća, prihod od osnovne djelatnosti povećan je za 67 posto, čime je smanjen grant Općine Novi Grad, koji je sa prvobitnih 500. 000 KM sveden na 250. 000 KM.

„Zahvaljujući ovakvom načinu rada i stabilizacijom poslovanja, ovo preduzeće može da bude dobar mehanizam da se

neki problemi najveće lokalne zajednice u BiH rješavaju kako bi se poboljšali uslovi življenja naših građana“, rečeno je tokom sjednice Vijeća.

Vijeće je usvojilo izvještaj o implementaciji Strategije razvoja Općine Novi Grad Sarajevo za period 2014 – 2020. godina, u okviru koje je relizirano ukupno 63 posto mjera od planiranih Akcionim planom za 2014. godinu.

Kako je istaknuto, Općina Novi Grad Sarajevo je napravila strateški zaokret temeljem razvojne Strategije i posvetila veću pažnju konkretnim mjerama podrške razvoju privrede, koja ima znatno veći učinak na lokalni ekonomski razvoj. U okviru realizacije prvog strateškog cilja koji se odnosi na konkurentnu privredu koja će generisati nova radna mjesta u Novom Gradu, evidentan je rast otvaranja novih radnih mjesta. Prema podacima Federalnog zavoda za statistiku broj radnih mjesta u

Novom Gradu povećan je za 1.214 novih radnih mjesta, u protekle dvije godine, od čega je kroz općinske mjere podsticaja privredi i zapošljavanju direktno otvoreno oko 140 novih radnih mjesta. Također, ovim provođenjem konkretnih mjera zadržano je oko 2.000 postojećih radnih mjesta u privrednom sektoru.

„2016. godina je period kada ćemo izvršiti reviziju, kako bi vidjeli u kojem smo obimu ispunili ono što smo zacrtali. Na osnovu toga ćemo znati, hoće li biti neophodno praviti eventualna preusmjerenja, kako bi u 2020. godini ostvarili krajnji cilj, a to je da Općina Novi Grad bude daleko najdinamičnija općina u Kantonu Sarajevo. Da imamo najveći broj ostvarenih novih radnih mjesta, da imamo vrlo zavidnu poslovnu i svaku drugu infrastrukturu, kako bi Općina bila najbolje mjesto za ulaganje“, objasnio je Đenan Šarkinović, savjetnik načelnika Općine Novi Grad za prekograničnu saradnju.



DELEGACIJA OV NOVI GRAD POSJETILA SREBRENICU I MEMORIJALNI CENTAR POTOČARI

Sjećanje na žrtve genocida počinjenog nad Srebreničanima



Delegacija Općinskog vijeća Novi Grad Sarajevo posjetila je, u subotu, 25. aprila 2015. godine, Opštinu Srebrenica i Memorijalni centar Potočari, gdje su položili cvijeće i odali počast žrtvama genocida.

Tom prilikom, obišli su mezarje u Potočarima, gdje je održan historijski čas, nakon čega su posjetili i muzejski prostor - Spomen-sobu, gdje su izloženi lični predmeti žrtava genocida, nađeni u masovnim grobnicama, a koji govore o sudbini muškaraca i dječaka iz jula 1995. godine, kada je ubijeno više od osam hiljada Bošnjaka-muškaraca i dječaka. U multimedijalnom centru vijećnici su pogledali dokumentarni film o stradanju Bošnjaka u julu 1995. godine u Srebrenici.

Održan je i sastanak sa rukovodstvom Opštine Srebrenica, na kojem su dogovoreni daljnji koraci nastavka uspješne saradnje između općina Novi Grad Sarajevo i Srebrenica.

Sastanku su prisustvovali načelnik Čamil Duraković, potpredsjednik Skupštine Opštine Srebrenica Hamdija Fejzić, Sead Jahić, rukovodilac Turističke organizacije Srebrenica, kustos Muzeja i odbornik u SO Srebrenica Azir Osmanović, te odbornici Begija Smajić, Vesna Mustafić, Salko Nukić, Senahid Hasanović, Daut Tihić i Suljo Čakanović, kao i Ramiz Salkić potpredsjednik Republike Srpske i Sadik Ahmetović, zastupnik u Parlamentu BiH. Kako je tom prilikom kazala predsjedavajuća Općinskog vijeća Novi Grad Sarajevo Edina Gabela, posjeta Srebrenici je rezultat jako dobre saradnje između Općine Novi Grad Sarajevo i Opštine Srebrenica, koju su uspostavili načelnici Semir Efendić i Čamil Duraković. „Naša obaveza je da pomognemo koliko možemo povratnicima i pošaljemo poruku da nisu sami. Jednako emotivno se osjećam kada dođemo u Potočare, gdje se nalazi polje bijelih nišana Bošnjaka stradalih u genocidu u Srebrenici. Zahvaljujemo se na dobrodošlici načelniku Durakoviću, njegovim saradnicima i majkama Srebrenice. Općina Novi Grad će i u narednom periodu podržavati projekte značajne za ovu lokalnu zajednicu“, rekla je predsjedavajuća Gabela. Delegacija je obišla i izvoršte ljekovite vode Guber, kao i Vidikovac odakle se pruža pogled na cijeli grad.

Na dnevnom redu sjednice, vijećnicima su prezentirane i informacija o izvršenju budžeta za period od 1. januara do 31. marta 2015. godine. Kako je kazao Emir Dedović, pomoćnik načelnika za privredu, finansije i inspekcijske poslove Općine Novi Grad, izvršenje budžeta za prva tri mjeseca 2015. godine je zadovoljavajuće. „Obzirom da se radi o prva tri mjeseca koja su u svim javnim institucijama uvijek malo lošija, možemo kazati da smo zadovoljni, jer smo od potrebnih 25 posto, ostvarili 30 posto ukupnog izvršenja budžeta“, objasnio je Dedović.

Vijeće je prihvatilo Nacrt odluke o finansiranju crkava i vjerskih zajednica s područja Novog Grada. Također, usvojen je i prijedlog Programa kulturno-sportske manifestacije „Novogradski dani 2015“. Vijećnicima je prezentirana i informacija o stanju i problemima u oblasti primarne zdravstvene zaštite stanovništva u općini Novi Grad Sarajevo, informacija o stanju protivpožarne zaštite sa prijedlogom mjera i aktivnosti u ljetnom periodu, informacija o poslovanju privrede i stanju u oblasti zaposlenosti na području općine Novi Grad Sarajevo na kraju 2014. godine, te informacija o stanju komunalne higijene na području općine Novi Grad sa osvrtom na rješenja za unapređenje.



Načelnik Efendić na konferenciji načelnika i gradonačelnika u Istanbulu i Konyi

Načelnik Općine Novi Grad Sarajevo Semir Efendić, na poziv Unije svjetskih turskih gradova (TDBB) početkom marta ove godine, boravio je u Republici Turskoj, gdje je prisustvovao konferenciji za načelnike i gradonačelnike s područja Blakana, koja je održana u Istanbulu i Konyi.

Upriličena je posjeta javnim institucijama grada Istanbula i grada Konye, a cilj programa je bio razmjena iskustava iz lokalne samouprave i povećanja efikasnosti rada lokalnih javnih preduzeća, sa posebnim fokusom na rad komunalnih preduzeća i upravljanje otpadom, te prekvalifikacija i zapošljavanje u lokalnoj zajednici. Program je bio organiziran za 22 gradonačelnika i načelnike iz šest zemalja regije Balkana, od kojih je 11 iz BiH.

Prilikom posjete gradu Konya, načelnik Efendić imao je priliku prisustvovati prezentaciji inovativnih načina sakupljanja i korištenja otpada u svrhu dobijanja energije. Upriličen je i obilazak Centra za prekvalifikaciju i edukaciju mladih, koji se po

završetku školovanja pripremaju za tržište rada, što je upravo ono što nedostaje BiH. Općina Novi Grad će u narednom periodu pokušati organizirati i implementirati slične projekte kroz saradnju sa turskim asocijacijama koje organiziraju dodatnu edukaciju, a koja je dio obrazovnog sistema Turske.

Tokom boravka u Turskoj, načelnik Efendić posjetio je i centralnu istanbulsku Općinu Beyoglu, gdje je u skladu sa planom dogovorenim prilikom posjete načelnika Ahmeta Misbaha Demircana Općini Novi Grad u junu prošle godine, ova turska općina organizirala prezentaciju projekata Općine Novi Grad u koje bi bila moguća ulaganja potencijalnih investitora. Sastanak je organiziran u općini Beyoglu, gdje su pozvani investitori iz oblasti ugostiteljstva i nekretnina koji imaju značajne kapacitete u toj općini. Tom prilikom izražen je interes za tržište BiH, a s obzirom da većina investitora do sada nije imala kontakta sa tržištem BiH, zatražili su dodatne informacije o projektima najmnogoljudnije općine u BiH.



Pored toga, razgovarano je i o saradnji između dvije općine u drugim oblastima, a između ostalog o organizaciji rada komunalnih djelatnosti, prekvalifikaciji radnika i drugim djelatnostima koje se odnose na zapošljavanje i socijalna pitanja u kojima Općina Beyoglu ima dosta dobre prakse. U tom smislu, dogovoreno je da se Općina Novi Grad u narednom periodu bolje upozna sa tim praksama, kako bi neke od njih mogla primijeniti i u našoj lokalnoj zajednici.

Također, dogovorena je saradnja i kada je u pitanju rad sa mladima, gdje je izražena mogućnost razmjene studenata iz dviju zemalja u narednom periodu.

Općini Novi Grad plaketa Udruženja boraca „Crni labudovi“



Predstavnici Udruženja boraca „Crni labudovi“, predsjednik Avdo Subašić, član Upravnog odbora Zejd Dukmenić i sekretar Udruženja Alija Varmaz, posjetili su 7. aprila 2015. godine Općinu Novi Grad Sarajevo, gdje su sa rukovodstvom naše lokalne zajednice razgovarali o planovima i aktivnostima ovog Udruženja.

Načelniku Semiru Efendiću su uručili plaketu za pruženu podršku u radu Udruženja i poklon – ručno izrađenu „Sarajevsku kapiju“.

„S obzirom da je naše Udruženje formirano prije godinu, te da je načelnik Efendić prvi načelnik koji nam je pružio podršku u realizaciji naših aktivnosti, željeli smo mu se na prigodan način zahvaliti na tome. Udruženje okuplja oko 800 članova iz 56 općina s područja cijele Bosne i Hercegovine, a zahvaljujući podršci Općine Novi Grad uspjeli smo okupiti pripadnike ratne jedinice „Crni labudovi“ koji su učestvovali u odbrani naše zemlje od agresora tokom ratnih dešavanja u periodu od 1992. do 1995. godine“, pojasnio je Subašić.

Udruženje boraca „Crni labudovi“ nastalo je na temeljima čuvene jedinice „Crni labudovi“ koja je u ratnom periodu u odbrani domovine dala 79 boraca i šehida, a čak 22 borca ove jedinice su odlikovana najvećim ratnim priznanjem „Zlatni ljiljan“. Kroz ovu elitnu jedinicu prošlo je više od 2.000 boraca.

SARADNJA OPĆINE I ORUŽANIH SNAGA BIH

Novi komandant kasarne Rajlovac u posjeti Općini Novi Grad

Novoimenovani komandant brigade taktičke podrške u kasarni Oružanih snaga Bosne i Hercegovine „Rajlovac“ Amir Čorbo sa saradnicima je posjetio Općinu Novi Grad Sarajevo. Sa načelnikom Općine Semirom Efendićem razgovarali su o unapređenju buduće saradnje ove lokalne zajednice i Oružanih snaga BiH smještenih u kasarni „Rajlovac“, jednoj od najvećih kasarni u kojoj svakodnevno boravi oko 2.000 vojnika. Sastanku je prisustvovao i pomoćnik Općinskog načelnika za Civilnu zaštitu Fahrudin Kazazić. Dogovoreno je da se u narednom periodu radi na rješavanju nekoliko urgentnih problema, a posebno kada su u pitanju saobraćajne gužve koje svakodnevno prave probleme stanovništvu ovog dijela Novog Grada. S obzirom da se izgradnja servisne saobraćajnice iz pravca Rajlovačkog polja privodi kraju, razgovarano je o mogućnosti da se glavni ulaz u kasarnu izmjesti zbog gužvi koje se stvaraju na Rajlovačkoj cesti u jutarnjim satima. Pored toga, na sastanku je razgovarano

i o nastavku saradnje u oblasti pružanja podrške Civilnoj zaštiti Općine Novi Grad, koja je već imala zajedničkih akcija sa inženjerijskom brigadom Oružanih snaga BiH smještenih u kasarni „Rajlovac“, a koja djeluje širom Bosne i Hercegovine, naročito kada je u pitanju prevencija i djelovanje u slučaju poplava. U tom smislu dogovoreno je da se pripremaju aktivnosti oko čišćenja korita rijeka i potoka na području Novog Grada, koje bi se realizirale u saradnji Civilne zaštite Novi Grad i Oružanih snaga BiH. Također, planirano je da delegacija Općine Novi Grad Sarajevo u narednom periodu posjeti kompleks kasarne „Rajlovac“.



Delegacija trgovinske komore grada Istanbula u Općini Novi Grad Sarajevo

Delagacija Trgovinske komore grada Istanbula (ITO), koja je boravila u Sarajevu zbog učešća na Sarajevu biznis forumu, predvođena potpredsjednikom Upravnog odbora Dursun

Topcuom i predsjednikom Skupštine Komore Istanbula Šekibom Avdagićem, posjetila je, u srijedu 13. maja 2015. godine, Općinu Novi Grad Sarajevo, najmnogoljudniju općinu u BiH.

Sa načelnikom Semirom Efendićem i njegovim saradnicima razgovarano je o privrednom povezivanju Republike Turske i naše zemlje, a razmijenjena su i mišljenja o mogućim investiranjima.

Inače, Trgovinska komora grada Istanbula u Sarajevu organizira Šesti sajam turskih proizvoda u Bosni i Hercegovini koji je 14. maja, otvoren u Olimpijskoj dvorani Zetra, gdje su predstavljeni proizvodi 60 turskih privrednika iz raznih sektora.



"POKRENIMO NOVI GRAD ZAJEDNO"

Galib Zulfić poklonio zemljište Općini za proširenje ulice Ragiba Džinde



Zahvaljujući nesvakidašnjem gestu našeg komšije i građanina, saobraćajnica će biti proširena za oko dva metra u dužini od 60 metara

Mještани naselja Boljakov Potok Galib Zulfić poklonio je dio svoje zemlje za potrebe proširenja ulice Ragiba Džinde u novogradskom naselju Boljakov Potok, čime će se riješiti dugogodišnji problem mještana ovog naselja. Tim povodom, Zulfić je zajedno sa Ibrom Beganovićem, 18. marta 2015. godine, posjetio Općinu Novi Grad Sarajevo, gdje su se sastali sa načelnikom Semirom Efendićem.

Razgovarano je o aktivnostima proširenja ulice Ragiba Džinde, jedne od najvećih ulica na području Novog Grada, koju svakodnevno koristi oko 1. 200 građana. Mještani ovog naselja suočavaju se sa problemom uske ulice, zbog čega je onemogućeno mimoilaženje vozila, što predstavlja veliki problem posebno u jutarnjim i poslijepodnevним satima. Zahvaljujući ovom nesvakidašnjem gestu našeg komšije

i građanina Galiba Zulfića, dugogodišnjeg mutevelije džamije u Boljakovom Potoku, saobraćajnica će biti proširena za oko dva metra u dužini od 60 metara, što će omogućiti nesmetano odvijanje saobraćaja. Ovo je pozitivan primjer zajedničkog rješavanja problema građana i lokalne zajednice, a činjenica da taj put Zulfić neće koristiti, jer ima ulaz sa druge strane, ovom gestu daje još veći značaj.

Načelnik Efendić zahvalio je na pozitivnom gestu, posebno što u mnogo slučajeva u našoj općini ima problema oko vlasništva, gdje ljudi uzurpiraju put ili se međusobno spore zbog nekoliko metara ili centimetara zemlje, a Galib poklanja zemlju koja je nesporno njegova za opće dobro i ne traži nikakvu naknadu.

„Dugo godina su se mještani ovog naselja suočavali sa problemom uske saobraćajnice. Ako se kojim slučajem susretnete sa vozilom iz

suprotnog smjera, jedno od vozila se moralo i po nekoliko metara vraćati unazad, kako bi se drugom vozilu omogućio prolaz. Zbog toga sam odlučio pokloniti dio svoje zemlje građanima Novog Grada“, rekao je Zulfić. Nakon što budu izabrani izvođači radova za tekuće i investiciono održavanje cesta u 2015. godini, Općina će pristupiti radovima na proširenju ove ulice, na njezinom ulazu, jer upravo na tom mjestu raskrsnice sa ulicom Smaje Šikala ima najviše problema. Podsjećamo, inicijativa za proširenje ulice Ragiba Džinde potekla je od vijećnika Općinskog vijeća Novi Grad Sarajevo Jasmina Smječanina i Enesa Pešteka, koji su na 23. sjednici Vijeća Novi Grad, 22. januara 2015. godine, pokrenuli inicijativu za rješavanje navedenog problema.

U FIRMI „ZRAK“ POTPISANI UGOVORI SA PRIPRAVNICIMA

Posao za još 19 djevojaka i mladića

Prva grupa od 15 pripravnika, koji su prošli obuku od šest mjeseci primljena u radni odnos • Nakon što prođu obuku, mladići i djevojke imat će priliku da zasnuju radni odnos u firmi „Zrak“ • Za dvije godine većina sadašnjih uposlenika odlazi u penziju, tako da menadžment firme očekuje da će ovi mladi ljudi postati nosioci posla u ovoj firmi

U firmi Zrak, 18.maja 2015. godine, upriličeno je svečano potpisivanje ugovora o pripravničkom stažu sa još 19 mladih ljudi, koji će u ovoj firmi raditi obuku za deficitarna zanimanja, a čije zapošljavanje finansira Općina Novi Grad Sarajevo.

Radi se o realizaciji Programa osposobljavanja 19 pripravnika sa Biroa za zapošljavanje, a koji je dio projekta podsticaja privredi općine Novi Grad Sarajevo.

„Ovo je jedan lijep dan za firmu Zrak. Po prvi put nakon 20 godina, prošle godine imali smo prijem novih radnika, kada je 15 mladih ljudi počelo raditi obuku u ovoj firmi. Zadovoljstvo je da su svi oni ostali ovdje da rade, a još 19 novih mladih ljudi od danas počinje da radi obuku u ovoj firmi, koja je specifična po svojoj djelatnosti. To su prije svega zanimanja u proizvodnji, kakva nemamo na tržištu i zbog čega se mora proći obuka da bi se moglo raditi na ovim poslovima“, rekao je načelnik Općine Novi Grad Semir Efendić.

Istakao je da ova lokalna zajednica kroz relizaciju programa podsticaja privredi pokušava da podstakne nova upošljavanja, te da je u vremenu u kojem živimo, to najveći zadatak svih u državi, pa tako i nas u Općini Novi Grad.

Firma Zrak važna je zbog svoje specifične djelatnosti, koja ne postoji više nigdje u BiH i susjednim zemljama, ali i zbog toga što ovdje radi određen broj ljudi koji su u tome najbolji i vrlo je važno prenijeti znanja stručnih ljudi na mlade generacije, obzirom na starosnu strukturu radnika, od kojih je većina pred odlaskom u penziju.

Senad Imamović, vršilac dužnosti direktora Zraka naglasio je da je zahvaljujući razumijevanju Općine, koja je našla načina da pomogne ovoj firmi, prva grupa pripravnika, koji su prošli obuku od šest mjeseci primljena u radni odnos.

„Novim prijemom pripravnika povećali smo broj mladih ljudi u odnosu na prošlu godinu. Sve djevojke i momci su dobro došli, jer je njihov angažman nužan, pogotovo sada kada imamo povećanje obima posla. Plan je da oni dobiju kvalitetnu obuku, ali i da ostanu da rade u ovoj firmi, jer nakon dvije godine većina sadašnjih uposlenika odlazi u penziju, stoga očekujemo od ovih mladih ljudi da postanu nosioci posla u ovoj firmi“, naglasio je Imamović.

Da je povećan obim posla, a samim tim i potreba za zapošljavanjem mladih ljudi, govori i činjenica da je ova firma nedavno potpisala ugovor o isporuci proizvoda za Bugarsku u vrijednosti od oko milion maraka, kojim je za narednu godinu obezbijeđen posao za sve uposlenike, pa tako i one koji će raditi obuku.

Među pripravnicima je i Emina Kenez, diplomirani eksperimentalni fizičar. Diplomirala je u novembru prošle godine, a tokom pisanja



diplomskog rada volontirala je u firmi Zrak.

„Ova prilika mi je bitna zbog radnog iskustva, ali i zbog budućih poslova. Međutim, nadam se da će firma „stati na noge“ i da neće biti potrebe da tražim neki novi posao. Nadam se da ću ostati raditi u ovoj firmi, jer mi se sviđa ovaj posao“, rekla je Emina.

ZAJEDNIČKI PROJEKAT OPĆINE NOVI GRAD I BBI BANKE

Osigurani povoljni uslovi finansiranja za privredne subjekte s područja Novog Grada

Formiranjem finansijske linije od 6. 250. 000 KM novogradskim firmama bit će omogućeno kreditiranje po veoma povoljnoj profitnoj stopi od 0,99 posto • Od ove godine uvedeni su i tzv. start-up programi za pokretanje biznisa, za ljude koji tek počinju da se bave biznisom i imaju dobru biznis ideju



Općina Novi Grad Sarajevo u saradnji sa Bosna Bank International i ove će godine omogućiti povoljnu finansijsku liniju za privredne subjekte, koji posluju na području Novog Grada, kao jednu od mjera podsticaja privredi i zapošljavanju. Tim povodom, u zgradi Općine, 15. maja 2015. godine, potpisan je ugovor o poslovnoj saradnji između Općine i BBI banke, kako bi se olakšalo poslovanje privrednika, zadržavanje postojećih i otvaranje novih radnih mjesta. Ugovor su potpisali načelnik Općine Semir Efendić i direktor BBI banke Amer Bukvić. Radi se o nastavku poslovne saradnje sa BBI bankom, koja bi trebala rezultirati time da se formira finansijska linija od oko 6,5 miliona KM za firme iz Novog Grada, sa profitnom stopom od 0,99 posto. Općina Novi Grad sufinansira dio profitne stope, koju će firme plaćati, tako da su sredstva za njih veoma povoljna. „Mi smo u proteklom periodu u privredu plasirali blizu sedam miliona maraka. Iako ne možemo tačno mjeriti te efekte, imamo podatke da je Općina Novi Grad u zadnjih godinu dana imala nešto više od hiljadu novih radnih mjesta. Vjerujemo da i ova kreditna linija koju formiramo zajedno sa BBI bankom utiče na to da se radna mjesta sačuvaju i da se otvore nova“, izjavio je načelnik Efendić. Dodao je da je ove godine uvedena jedna novina, a to su takozvani startup programi za ljude koji tek počinju da se bave biznisom i imaju dobru biznis ideju. To su mala sredstva od pet do 20 hiljada KM. Uspjeli smo zajedno sa bankom isposlovati jedan kreditno-garantni fond, obzirom da često takvi projekti i ne uspiju, pa banka mora imati neku garanciju da ne bude u gubitku. Međutim, onima koji imaju dobre poslovne ideje i željeli bi da se bave biznisom, a ne mogu da dođu do sredstava, omogućili smo da dođu do tzv. start-up

malih kredita. Kroz ove kredite oni mogu pokrenuti svoje poslovne ideje i zaposliti sebe, a možda i još nekoliko ljudi“, istakao je Efendić. Direktor Amer Bukvić istakao je da je cilj ovog programa otvaranje novih radnih mjesta. „Inicijativa je jako dobra i u jako dobrom trenutku, jer privreda u BiH nije baš u tako dobroj situaciji i sada je našim privrednicima potrebna podrška. Općina Novi Grad je to uradila na dobar način, podržala je privrednike sa svog prostora. BBI banka će alucirati 6. 250. 000 KM za ovaj projekat. Ovo do sada što smo radili sa Općinom je dovelo do velikog broja novih zapošljavanja. To je velika stvar u današnjem vremenu“, rekao je Bukvić. Zlatan Ivanović, direktor firme Brojler i jedan od korisnika kreditnih sredstava preko BBI banke, istakao je da su sredstva uložili u unapređenje proizvodnje i povećanje broja radnih mjesta. „Zadovoljni smo ovim aranžmanom i angažmanom Općine i to je bila jedna obostrana sardanja i obostrana korist i za Brojler, ali i za Općinu, jer su se zaposlili neki ljudi s područja općine Novi Grad. Mislim da je ovo jedan dobar potez Općine. Teško je reći šta je sve urađeno od ovih sredstava i koliko je osoba uposleno. Mi smo u zadnje dvije i po godine uposlili 30 posto ljudi. I ta sredstva su uticala na nova zapošljavanja, tako da sada Brojler broji preko 220 zaposlenih“, objasnio je Ivanović. Prije potpisivanja ugovora održana je prezentacija realizacije programa posebne finansijske linije kao efikasne mjere kreiranja novih radnih mjesta u privredi definisane Strategijom razvoja Općine Novi Grad Sarajevo za period 2014-2020. Prezentaciji su prisustvovali predstavnici BBI banke, Ministarstva privrede Kantona Sarajevo, te veliki broj predstavnika kompanija sa područja Novog Grada.

Degustacija domaćih proizvoda u „Bosanskoj tržnici“ na Dobrinji



U subotu 4. aprila 2015. godine, u „Bosanskoj tržnici“ na Dobrinji upriličena je degustacija domaćih proizvoda, sokova, sireva, bestilja, voća, a posjetioci su uživali i u bosanskoj kafi Vispakovoj zlatnoj džezvi.

Za ovu priliku dopremljena je i najveća džezva, a uz Klasove lokume, keksiće, tortice, kafa je itekako prijala. Mnogi su subotu iskoristili za posjetu „Bosanskoj tržnici“, a degustacija je trajala do poslijepodnevni sati.

Bila je to prilika da se posjetioci „Bosanske tržnice“ uvjere u kvalitet ponude koja se u tržnici nudi, počaste, ali i da kupuju domaće, jer na taj način svi zajedno gradimo BiH.

„Bosanska tržnica“, projekat Općine Novi Grad Sarajevo, inovacija je i primjer kako bi stvari trebale funkcionirati kada je riječ o brizi za zdravlje, kvalitetu hrane i razvoju domaće poljoprivredne proizvodnje.

Pored osvjedočenih domaćih brendova, kao što je „Klas“ sa svojim supermarketom u kojem je zastupljeno više od 70 posto bh. proizvoda, u „Bosanskoj tržnici“ svoje proizvode, također, nude i poljoprivredne zadruge „Voćar-Promet“ Zvornik, „Eko life“ Stolac, „Više-Grad“ Višegrad, opće poljoprivredne zadruge „Tarevci“ Modriča i „3E“ Skelani – Srebrenica, te „Agrofood“ Konjević-Polje – Bratunac, i Eko select milk – Rogatica.

PROVOĐENJE MJERA ZA PODSTICAJ PRIVREDI U NOVOM GRADU

Općina dodijelila neiskorišteno zemljište u poljoprivredne svrhe



Općini Novi Grad Sarajevo sa korisnicima su potpisani ugovori o dodjeli u zakup neiskorištenog poljoprivrednog zemljišta koje će se koristiti isključivo u poljoprivredne svrhe. Ugovor je, 27. februara 2015. godine, potpisan sa direktorom firme Megamix Senadom Misimovićem, te Zahidom Raonić i Zijadom Gušom. Zemljište koje je u državnoj svojini, nad kojim Općina Novi Grad Sarajevo ima pravo raspolaganja, korisnicima je dodijeljeno na period u trajanju pet godina.

Realizacija ovog projekta je nastavak provođenja jedne od mjera za podsticaj privredi, koje je Općina Novi Grad pokrenula u 2013. godini, o kojoj se u prethodnom periodu nije vodilo dovoljno računa, a to je da se poljoprivredno, gradsko građevinsko zemljište koje nije privedeno krajnjoj namjeni, stavi u funkciju.

Na ovaj način našim građanima koji se bave poljoprivredom omogućit će se da na legalan način koriste neiskorišteno zemljište i da od toga imaju koristi. S druge strane, cilj ove lokalne zajednice je da jedan broj ljudi nađe rješenje za svoju egzistenciju.

„Dodjela neiskorištenog zemljišta na području općine Novi Grad je početak projekta od kojeg bi se moglo očekivati da neiskorišteno zemljište pređe u intenzivnu proizvodnju koja će dati određene rezultate. Firmi Megamix dodijelili smo 10 dunuma zemljišta u Bojniku, gdje bi u narednom periodu trebala da razvije intenzivniju poljoprivrednu proizvodnju“, izjavio je Emir Dedović, pomoćnik načelnika Općine Novi Grad Sarajevo za privredu, finansije i inspeksijske poslove. Dodao je da je zemljište dodijeljeno i individualnim korisnicima koji zemlju obrađuju već duži niz godina, a na ovaj način im je data mogućnost da to potpuno legalno rade i ubuduće.

„Jedan od ciljeva našeg projekta jeste da se napravi reda u oblasti zemljišta koje nije privedeno krajnjoj namjeni, te da se uspostave procedure kako da se uredi ta oblast. Cilj je da se što više ljudi uposli, a mi ćemo pomoći svakome ko radi, pa makar obrađivao i svoj vrt“, rekao je Dedović. Direktor Misimović je kazao da je Općina Novi Grad jedna od rijetkih lokalnih zajednica koja izlazi u susret privrednim subjektima. Dodao je da je ova firma uputila pismo namjere svim općinama u BiH, ali da je jedino Općina Novi Grad odgovorila pozitivno.

ZAVRŠEN JOŠ JEDAN PROJEKAT PODSTICAJA POLJOPRIVREDNOJ PROIZVODNJI



Polaznicima edukacije o uzgoju povrća dodijeljeni certifikati

građana pod nazivom „Razvoj povrtlarstva na otvorenom i zatvorenom prostoru u cilju samozapošljavanja stanovništva“, kojeg je Općina Novi Grad realizirala u saradnji sa Poljoprivrednim fakultetom u Sarajevu. Certifikate su uspješnim polaznicima uručili načelnik Općine Novi Grad Sarajevo Semir Efendić i predavač na edukaciji povrtlarstva doc. dr. Lutvija Karić, profesorica na Poljoprivrednom fakultetu u Sarajevu. Tom prilikom, načelnik Efendić izrazio je zadovoljstvo što je nadležna služba uspjela na najbolji način da podstakne razvoj poljoprivrede na području općine Novi Grad Sarajevo. Kazao je da naša općina nema velike poljoprivredne površine, ali da je moguće na optimalan način proizvoditi poljoprivredne kulture koje se proizvode na manjim poljoprivrednim površinama, a naročito one za kojima je velika potražnja na tržištu i koje su veoma profitabilne, kao što je jagodičasto voće i druge kulture. Istakao je da ova općina podstiče razvoj poljoprivrede i dodjelom neiskorištenog zemjišta u poljoprivredne svrhe, kao i izdvajanjem finansijskih sredstava za podsticaj raznim vidovima poljoprivredne proizvodnje.

Kroz edukacije o ljekobilju, cvjećarstvu, voćarstvu i povrtlarstvu, koje je ova lokalna zajednica realizirala u proteklom periodu,

prošlo je više od 900 naših sugrađana, a mnogi od njih su stečena znanja primijenili u praksi i samostalno započeli poljoprivrednu proizvodnju kao jedan vid zarade.


Prisutnima se obratila i profesorica Karić, koja je istakla da je Općina Novi Grad vizionar u ovom poslu i da je uspjela svojim načinom organizacije ovog projekta, na najkvalitetniji način polaznicima približiti oblast povrtlarstva. Izrazila je i zadovoljstvo što su ove edukacije održane pred najvećim brojem polaznika do sada, što dokazuje i svjesnost ljudi o važnosti znanja i njegove primjene u praksi.

„Pohvalno je i to što je veliki broj mladih ljudi redovno dolazilo na edukacije i nastoji da svojim znanjem doprinese razvoju poljoprivrednih gazdinstava i da samostalno započnu intenzivnu poljoprivrednu proizvodnju“, naglasila je profesorica Karić. Uz certifikate, polaznicima su dodijeljeni i CD-ovi sa elektronskim brošurama o proizvodnji povrća na otvorenom i zatvorenom prostoru. Zatim su ispunili anketne upitnike gdje su iznijeli svoje mišljenje i sugestije o održanoj edukaciji, njihove planove za bavljenje povrtlarskom proizvodnjom, načine pomoći za podsticanje razvoja povrtlarstva, kao i edukacije koje bi željeli pohađati u narednom periodu.

Dodjelom certifikata polaznicima koji su prošli edukaciju o uzgoju povrća na otvorenom i zatvorenom prostoru, koja je održana u multimedijalnom centru Općine Novi Grad Sarajevo, uspješno je završen još jedan projekat u oblasti podsticaja privredi, koje Općina Novi Grad kontinuirano provodi već treću godinu. Riječ je o projektu besplatne edukacije

A-TRANSVERZALA - SAOBRAĆAJNICA KOJA ĆE POVEZIVATI AERODROM SA OSTATKOM NOVOG GRADA I SARAJEVA

Izgradnja počinje u ovoj godini



U godini trebala bi početi izgradnja A-transverzale, saobraćajnice koja će na kvalitetan način povezivati Međunarodni aerodrom Sarajevo i dio Dobrinje sa ostatkom općine Novi Grad i grada Sarajeva. U toku je provođenje procedure izbora izvođača radova nakon čega će se krenuti u realizaciju projekta

Služba za imovinskopravne poslove Općine Novi Grad Sarajevo završila je eksproprijaciju za oko 95 posto trase ove saobraćajnice, uključujući kompletnu prvu dionicu čija izgradnja počinje u ovoj godini. Rok za završetak gradnje A-transverzale, čijom će se izgradnjom rasteretiti saobraćaj u ovom dijelu Novog Grada, trebala bi trajati tri godine. Međutim, dodatnim ugovorima će se precizirati rokovi za izvođenje radova na transverzali.

Osim toga, završeno je iskolčenje, tj. trajno obilježavanje kompletne trase IX transverzale, čime je usaglašen i revidirani glavni projekat prenesen na teren. Time su uspostavljene linije eksproprijacije zemljišta i cijepanja parcela, koje počinje odmah

nakon iskolčenja, a čime su se stekli uslovi za eksproprijaciju zemljišta na kompletnoj trasi IX transverzale.

„Iako se radi o „nevidljivom poslu“ osim za one koji direktno učestvuju u njemu, u protekle dvije godine potrošeno je dosta vremena i energije da bi ova dva projekta ugledala svjetlo dana. Možda zvuči nevjerovatno, ali finansiranje projekata i sama izgradnja su najlakši dio posla u poređenju sa pripremnim fazama izrade planske dokumentacije, projektovanja, rješavanja imovinskopravnih odnosa, usaglašavanja sa svim subjektima kojih se projekti tiču (Željeznice, komunalna preduzeća, ministarstva i ostali subjekti planiranja itd.)“, kazao je načelnik Općine Novi Grad Sarajevo Semir Efendić. On je istakao da su izgradnja IX i A-transverzale, pored rekonstrukcije saobraćajnice u ulici Adema Buče, najvažniji prioriteti Programa POKRENIMO NOVI GRAD ZAJEDNO u oblasti saobraćaja.

DOMAĆA INVESTICIJA U NOVOM GRADU VRIJEDNA TRI MILIONA MARAKA

U Rajlovcu otvoren prvi BOSCH prodajno-servisni centar na Balkanu



Otvoreno 15 novih radnih mjesta • Zapolene osobe sa evidencije Biroa za zapošljavanje • U objektu se mogu naći proizvodi renomiranih firmi Bosch, Rexroth iz oblasti dizel pumpi, hidraulične opreme, a osim prodaje u sklopu objekta nalazi se i ovlaštenu servis Deutz motora, kao i Bosch dizelskog programa

Svećanim presijecanjem vrpce, načelnik Općine Novi Grad Sarajevo Semir Efendić i Rašid Malićbegović, vlasnik firme Jasmin M d. o.o. otvorili su, 5. maja 2015. godine, u Rajlovcu poslovno-servisni centar „JASMIN M PSC“. Riječ je o prvom BOSCH DIESEL servisnom centru na Balkanu ovakve vrste, smještenom upravo na području Novog Grada, opremljenom najsavremenijom dijagnostičko-servisnom opremom. Vrijednost investicije iznosi tri miliona maraka, a posao je dobilo 15 novih uposlenika. „Prošle godine zaposlili smo pet radnika u Žepču koji su prošli obuku za ovaj servis, a prije mjesec dana i dodatnih

10 radnika u Sarajevu. Riječ je o ljudima sa područja općine Novi Grad Sarajevo, koji su duži vremenski period preko Biroa tražili posao“, objasnio je Jasmin Malićbegović, direktor firme i dodao da je ukoliko se posao bude širio, do kraja godine planirano zapošljavanje još deset novih radnika. U objektu se mogu naći proizvodi renomiranih firmi Bosch, Rexroth iz oblasti dizel pumpi, hidraulične opreme, a osim prodaje u sklopu objekta nalazi se i ovlaštenu servis Deutz motora, kao i Bosch dizelskog programa. Objekat zauzima ukupnu površinu od 2. 000 kvadratnih metara, od čega je najveći dio namijenjen servisu i prodaji, dok manji dio obuhvata kancelarijski i magacinski prostor.




„Ideja ovog objekta je distribucija BOSCH proizvoda, sa akcentom na ubrizgavanje goriva, jer smo mi jedina firma u BiH koja ozbiljno radi na tome, a ovo je prvi BOSCH DIESEL servisni centar na Balkanu ovakve vrste. Prvi ovakav servis je prije godinu otvoren u Ankari, dok se drugi nalazi ovdje u Novom Gradu, odnosno u Sarajevu, koji je otvoren 20 godina nakon rata. Jedini u BiH posjedujemo stroj koji radi sa pritiskom od 2. 500 bara“, riječi su direktora firme „JASMIN M PSC“. Načelnik Efendić čestitao je investitoru na uspješno realiziranom projektu. Kazao je da je ponosan na činjenicu da naše domaće firme imaju snage za ovako velike investicije.

„Radi se o specifičnoj djelatnosti, a servis je povezan sa najboljim svjetskim proizvođačima opreme. Posebno je značajno da je u novom objektu zaposleno 15 novih radnika, te da postoji mogućnost za zapošljavanjem dodatnih radnika. Otvaranje svakog radnog mjesta za nas je od izuzetne važnosti. Prema informacijama koje smo dobili od vlasnika, iza svega ovoga stoji isključivo trud i rad, što je dobar pokazatelj da ni u jednom poslu nema uspjeha bez mukotrpnog rada i odricanja. Oni su dobar primjer drugima, kako se upornim radom može postići veliki uspjeh“, rekao je načelnik Efendić. Dodao je da je Rajlovac trenutno prostor sa najvećim potencijalom

za poslovnu zonu u Kantonu Sarajevo, gdje postoji još mnogo mjesta za gradnju i investiranje. „Naše strateško opredjeljenje je da prostor Rajlovca bude u što boljoj funkciji servisnih djelatnosti glavnog grada BiH, a planiran je za te sadržaje“, istakao je načelnik Općine Novi Grad Sarajevo. On je uputio poziv domaćim i stranim investitorima da u tom smislu iskažu svoj interes za gradnju i investiranje u Novom Gradu, gdje ima još dovoljno mjesta za gradnju i otvaranje novih radnih mjesta.

DOMAĆE JE „IN“

Većina građana Kantona Sarajevo podržava projekat "Bosanske tržnice" na Dobrinji



Da li je Sarajevu i generalno BiH potreban veći broj Bosanskih tržnica?

Za samo osam mjeseci otkako je otvorena, Bosanska tržnica na Dobrinji, postala je poznata većini građana Kantona Sarajevo, rezultat je istraživanja agencije Global Market Solutions, koja već niz godina provodi istraživanja vezana za kvalitet usluge u Bosni i Hercegovini, obuhvativši veliki dijapazon djelatnosti. Ovo je još jedna potvrda da su projekti koji su usmjereni na razvoj domaće privrede prepoznatljivi i da građani žele učestvovati u njima. Realizirana kao dio programa "Pokrenimo Novi Grad zajedno" načelnika Općine Novi Grad Semira Efendića, Bosanska tržnica je okupila na jednom mjestu proizvođače zdrave i kvalitetne hrane iz svih krajeva Bosne i Hercegovine, pomažući na taj način povratničku populaciju, ali i jačajući patriotski odnos građana prema domaćim proizvodima. U cilju podsticanja domaće proizvodnje i privrednika, Općina Novi Grad je pokrenula projekat Bosanske tržnice, gdje kupci mogu pronaći organske proizvode lokalnih bh. privrednika iz povratničkih naselja.

Agencija je u okviru istraživanja obuhvatila i zadovoljstvo uslugom na Bosanskoj tržnici, te se ispostavilo da je većina građana Kantona Sarajevo čula za Bosansku tržnicu, međutim, nešto manji procenat, (34 posto ispitanih iz KS) ju je posjetio. Posjetitelji su djelimično zadovoljni ponudom i cijenama na tržnici, međutim svi su saglasni u činjenici da je ovakvih projekata nadasve potrebno mnogo više.

PRI KRAJU IZGRADNJA STAMBENOG OBJEKTA „PROVANSA“ NA DOBRINJI

U junu useljenje prvih stanara

Projekat je vrijedan 6 miliona KM, a završetak radova je planiran za juni ove godine



U ulici Habibe Stočević bb na Dobrinji firma Domoinvest, u oktobru prošle godine započela je radove na izgradnji stambene zgrade Provansa Dobrinja. Radovi na objektu privode se kraju. Projekat je vrijedan 6 miliona KM, a završetak radova se planira za juni 2015. godine, kada će stanari moći useliti u svoje nove domove.

Objekat Provansa Dobrinja predstavlja spoj modernog dizajna, kvalitetne gradnje i velike energetske učinkovitosti te kao takav je idealno mjesto za život modernog čovjeka. Veličina objekta je oko 4.500 metara kvadratnih spratnosti P+4, a sačinjavaju ga stanovi veličine od 30 – 90 metara kvadratnih, koje karakterizira maksimalna iskorištenost prostora. U suterenu se nalaze garažna mjesta i ostave kojima se može pristupiti liftom i unutrašnjim stepeništem, dok je iza objekta veliki privatni i ograđeni parking prostor. U prizemlju stambenog objekta su planirani stanovi koji će sadržavati i izlaz u baštu, a u nastavku, tri karakteristične etaže će sadržavati 13 stambenih jedinica. Mansardna etaža sadrži 12 stambenih jedinica koje konceptualno odlično nadopunjuju stambeni objekat.

Do svake stambene jedinice se dolazi preko zajedničkih prostora: stepeništa, liftova i hodnika. Unutar objekta se nalazi požarno stepenište koje zadovoljava sve normative i propise o evakuaciji, a pristupačno je svim stanarima. Lokacija objekta pruža mir i privatnost stanarima, a u isto vrijeme blizina javnog saobraćaja, glavne saobraćajnice, autoputa i aerodroma ga čini pristupačnim i dobro povezanim s centrom Sarajeva, ostalim gradovima u Bosni i Hercegovini, ali i ostatkom svijeta. U neposrednoj blizini stambenog objekta nalaze se tržni centar, zelena pijaca, dvije osnovne i dvije srednje škole, sala za rekreaciju i drugi urbani sadržaji. Na južnoj strani se nalazi aerodrom udaljen jedan km, a u blizini su i svi glavni saobraćajni pravci prema Jadranskom moru, Ski centru Bjelašnica, uključujući Sarajevsku zaobilaznicu i Autoput A1.

LOKOM NOVI GRAD



ZAJEDNIČKI PROJEKT OPĆINE NOVI GRAD I DIREKCIJE ZA PUTEVE KS

Svečano otvoren obnovljeni most u Reljevu

Kompletna rekonstrukcija mosta na rijeci Bosni koštala je oko 350. 000 konvertibilnih maraka • Radove su finansirali Općina Novi Grad i Direkcija za ceste Kantona Sarajevo



Svečanim presijecanjem vrpce u naselju Reljevo 21. maja 2015. godine, otvoren je potpuno obnovljeni most preko rijeke Bosne. Novoizgrađeni most, u promet su pustili načelnik Općine Novi Grad Sarajevo Semir Efendić, predsjedavajuća Općinskog vijeća Edina Gabela i direktor Direkcije za puteve Kantona Sarajevo Adem Zolj. Na mjestu nekadašnjeg dotrajalog drvenog mosta, koji je dugo vremena predstavljao problem

za odvijanje saobraćaja, sada je izgrađen armirano-betonski most širine 5,5 metara sa kolovoznom trakom i pješačkom stazom. Njegova rekonstrukcija, koju su zajednički finansirali Općina Novi Grad Sarajevo i Direkcija za puteve KS koštala je oko 350. 000 konvertibilnih maraka. Od toga je je Općina izdvojila 200. 000 KM, a Direkcija 150. 000 KM. Obnovljeni most preko rijeke Bosne, koji je od posebnog značaja, kako za lokalnu zajednicu, tako i za Kanton Sarajevo, od sada će se moći koristiti i za teretni

saobraćaj, što ranije nije bilo moguće, a njegovim stavljanjem u promet omogućit će se normalno odvijanje saobraćaja. Radnici firme HP Investing iz Mostara posao su uradili kvalitetno i u kratkom roku.

Ovaj most naročito je bitan za stanovnike naselja Reljevo i Rječica, jer omogućava vezu građanima sa magistralnim putem M17, a samim tim i bržu vezu sa centrom grada, a u suprotnom smjeru i prema Vogošći.

Kako je kazao načelnik Efendić, ovaj most




posebno je značajan za vrijeme poplava u Rajlovcu, kada je on jedina komunikacija koja cijeli prostor Dobroševića, Bojnika i Reljeva povezuje sa ostatkom grada. „Ranije smo ovdje imali most sa drvenom konstrukcijom, sada je to most sa armirano-betonskom konstrukcijom, odnosno sasvim jedan novi objekat, sa kolovoznom trakom, pješačkom stazom i ogradom. Kompletna rekonstrukcija mosta na rijeci Bosni završena je u rekordno kratkom vremenu, odnosno u nepuna tri mjeseca“, rekao je

načelnik Efendić.

Adem Zolj je istakao da je drveni most bio u lošem stanju i da je zbog čestih popravki na mostu dolazilo do obustave saobraćaja. „Sada se ovdje može nesmetano odvijati saobraćaj bez ikakvog zadržavanja. Općina je uradila projektnu dokumentaciju, riješila imovinsko-pravne odnose i obratila nam se da sufinansiramo realizaciju ovog projekta, što smo rado prihvatili. Ovakve projekte smo uvijek spremni finansijski podržati. Pozivamo i ostale općine da urade projektnu

dokumentaciju, da riješe imovinsko-pravne odnose, i mi smo spremni sufinansirati izgradnju ovakvih objekata“ naglasio je Zolj.

Ovom prilikom Melika Šarić, predsjednica Savjeta Mjesne zajednice zahvalila je Općini Novi Grad Sarajevo što je prepoznala dugogodišnji problem stanovnika naselja Reljevo, Rječica i Bojnik i na kvalitetan način realizirala projekat, koji je od velike važnosti za stanovnike ovog dijela Novog Grada.



NOVI GRAD SARAJEVO DOBIJA BIKIKLISTIČKU STAZU

Završena biciklistička staza sa desne strane Bulevara Meše Selimovića

Izgradnjom staze za bicikliste u Sarajevo se uvodi biciklistički saobraćaj • Završena staza sa desne strane Bulevara Meše Selimovića, u toku radovi na lijevoj strani



Završeni su radovi na desnoj strani biciklističke staze u općini Novi Grad, od Nedžarića do Otoke. U sklopu radova koji su započeti krajem decembra prošle godine, radnici preduzeća Rad su nakon zemljanih i asfalterskih radova postavili pigmentirani asfalt, te ofarbal i vičnjake.

Također, duž desne strane bisiklističke steze od Doma zdravlja „Kumrovec“ do studentskih domova u naselju Nedžarići zasađena je živa ograda u dužini od oko 800 metara. Pojasom žive ograde biciklistički i pješački saobraćaj bit će odvojen od motornog, čime će biti upotpunjen ugođaj biciklistima i šetačima.

Mlade sadnice brzorastuće žive ograde sade radnici preduzeća Park, u sklopu projekta hortikulturnog uređenja aleja i javnih zelenih površina, kojeg Općina Novi Grad Sarajevo finansira sredstvima iz ovogodišnjeg budžeta.

Uporedo sa navedenim radovima, izvode se i radovi na lijevoj strani trase buduće biciklističke staze od Nedžarića prema Otoci. Na ovom dijelu biciklističke staze, tačnije kod Olimpijskog bazena Otoka, Općina Novi Grad Sarajevo planira izgraditi odmorište gdje će se moći koristiti usluge bežičnog interneta (WI-FI).

Izgradnjom prve biciklističke staze u glavnom gradu BiH, koja bi trebala biti završena do ljeta, Novi Grad će biti prva općina u BiH koja će imati izgrađenu biciklističku stazu po evropskim standardima.

Biciklistička staza će biti povezana sa Centrom za edukaciju, sport i rekreaciju koji se gradi u bivšoj kasarni „Safet Zajko“.

Podsjećamo, projekat izgradnje biciklističke staze finansiraju Grad Sarajevo i Direkcija za puteve Kantona Sarajevo.



SVEČANO PUŠTEN U RAD REZERVOAR „DONJI MIHALJEVIĆI“

Gradska voda stigla u domove stanovnika Dobroševića i Bojnika



Realizacijom projekta ukupne vrijednosti 8,3 miliona konvertibilnih maraka stanovnici ovog dijela Novog Grada, nakon višegodišnjeg čekanja, konačno dobili vodu iz gradskog vodovoda

Svečanim puštanjem u rad rezervoara za vodu „Donji Mihaljevići“ u Dobroševićima, upriličenog 3. aprila 2015. godine, ozvaničen je završetak jednog od najznačajnijih infrastrukturnih projekata Općine Novi Grad Sarajevo.

Radi se o velikom projektu izgradnje sistema vodosnabdijevanja naselja Dobroševići i Bojnik, čija je ukupna vrijednost 8,3 miliona konvertibilnih maraka, a puštanjem u rad ovog sistema stanovnici navedenih naselja konačno su u svojim domovima dobili gradsku vodu.

„Ovo je veliki dan za stanovnike naselja Dobroševići i Bojnik, koja su najvećim dijelom izgrađena nakon rata i ranije nisu imala vodovodni sistem. Izgradnja vodovodnog sistema, koji podrazumijeva dva rezervoara s ukupno 4.000 kubika vode, dvije pumpne stanice, dovodni sistem cjevovoda i distributivnu mrežu, trajala je sedam godina. Do kraja ove godine na gradski vodovodni sistem će biti priključeno oko 1.000 domaćinstava“, rekao je načelnik

Općine Novi Grad Sarajevo Semir Efendić.

S obzirom da se stanovništvo ovih novogradskih naselja godinama suočavalo sa problemima nedovoljnog snabdijevanja vodom, Općina Novi Grad je prije dvije godine radila na poboljšanju vodosnabdijevanja iz lokalnih vodovoda, tako da u proteklom periodu nije bilo većih problema sa vodosnabdijevanjem. Međutim, realizacijom ovog projekta, građani dobijaju gradsku vodu, odnosno priključeni su na gradsku vodovodnu mrežu kao i građani ostatka Sarajeva.

„Mi smo kao administracija prije nešto više od dvije godine krenuli u konačno završavanje ovih projekata koji su dugo stajali u fazi realizacije, tako da smo današnjim puštanjem u funkciju rezervoara „Donji Mihaljevići“ završili ovaj veliki sistem vodosnabdijevanja naselja u obuhvatu MZ „Dobroševići“ za dvije visinske zone“, objasnio je načelnik Efendić.

Kapacitet rezervoara je do 5.000 priključaka, tako da će se na gradsku vodovodnu mrežu



moći priključiti i objekti koji se budu u budućnosti gradili u ovim naseljima.

„U ovoj godini ćemo imati još radova na distributivnoj mreži, a radić će se priključenje stambenih objekata na vodovodnu mrežu. To je proces koji će još trajati tokom ove godine“, rekao je Efendić.

Kako je kazao Ismet Žiga, predsjednik Savjeta MZ „Dobroševići“, izgradnja gradske vodovodne mreže od životne je važnosti za mještane Dobroševića i Bojnika, jer su ranijih godina imali velikih problema sa vodosnabdijevanjem.

„Stanovništvo se vodom snabdijevalo sa dva lokalna vodovoda, a u sušnim periodima dolazilo je do nestanka vode. Ljudi su mjesecima bili bez vode, tako da nam je Općina izlazila u susret dopremajući vodu u cisternama. Novoizgrađeni rezervoar zadovoljit će potrebe stanovništva u narednih 30-ak godina. Zahvaljujemo se Općini Novi Grad za sve što su učinili za stanovnike ovoga kraja“, rekao je Žiga.



Nastavljena izgradnja sportskog igrališta u Boljakovom Potoku



Općina Novi Grad Sarajevo nastavila je izgradnju sportskog igrališta u Potur Šahidijinoj ulici u Boljakovom Potoku, gdje su u prošloj godini završeni radovi predviđeni prvom fazom projekta. Za dovršetak radova iz općinskog budžeta za ovu godinu izdvojeno je oko 95.000 KM. U sklopu završne faze projekta izvršit će se postavljanje ograde, potrebnog mobilijara, asfaltiranje sportske plohe, iscrtavanje igrališne plohe za dva manja basket terena, te igralište za mali nogomet i rukomet. Igralište će se moći koristiti za basket, mali nogomet i rukomet, a njegovom izgradnjom stanovnici ovog dijela Novog Grada dobit će ograđeno sportsko igralište, gdje će njihova djeca moći provoditi svoje slobodno vrijeme.

U prošloj godini urađeni su zemljani i armirano - betonski radovi, tamponiranje terena, a izgrađen je i potporni zid duž igrališta, te zidovi predviđeni za postavljanje ograde. Za te radove Općina je izdvojila blizu 100.000 KM. S ciljem poboljšanja uslova za sport u ovoj lokalnoj zajednici, Općina Novi Grad Sarajevo kontinuirano radi na izgradnji i rekonstrukciji igrališta za djecu i izgradnji sportskih igrališta. U tom smislu, Općina je u prošloj godini finansirala izgradnju šest novih dječijih igrališta i sanaciju 43 postojeća dječija igrališta, te izgradnju tri sportska igrališta.

Izgrađena prva atletska staza u Novom Gradu

U nekadašnjoj kasarni „Safet Zajko“, gdje Općina Novi Grad, na površini od 11 hektara gradi Centar za edukaciju, sport i rekreaciju, završena je prva atletska staza na području najmnogoljudnije Općine, čija je izgradnja započeta prošle godine. Riječ je o prvoj stazi ovakve vrste koja je namijenjena za razvoj sportskih vještina.

Staza je projektovana i građena zajedno sa stadionom, kapaciteta 500 osoba, koji se nalazi unutar atletske staze. Atletika je vrlo važna za sve druge sportove i dio je nastavnih planova i programa osnovnog i srednjeg obrazovanja i ona će sigurno značiti puno i za sportiste i rekreativce. Naročito je dobro što je njena lokacija pogodna i nalazi se na trouglu između najvećih novogradskih naselja Alipašinog Polja i Dobrinje. Osim toga, ona će biti dostupna i stanovnicima drugih novogradskih naselja, jer će izgradnjom IX transverzale, kompleks biti potpuno približen i stanovnicima ostalih naselja, ovaj prostor bit će obogaćen i drugim sportskim sadržajima. Općina Novi Grad je prošle godine uputila inicijativu Vladi Federacije BiH za dodjelu kasarne „Safet Zajko“ ovoj lokalnoj zajednici, u svrhu formiranja Centra za edukaciju, sport i rekreaciju. Kako se radi o kompleksu sa dosta zelenila, ideja je da se taj prostor izgradi kao parkovski prostor i da se dio postojećih objekata iskoristi za neku vrstu edukacije, a da se dio sportskih terena, koji su postojali od ranije, adaptira i stavi u funkciju sporta. Aktivnosti na raščišćavanju i uređenju terena koji više od desetak godina nije korišten i bio je potpuno zarastao i devastiran traju više od godinu. Trenutno se izvode radovi postavljanja umjetne trave na stadionu, gdje je već završena podloga, drenaže, ivičnjaci i ostalo. U planu je da se cijeli kompleks otvori, najvjerovatnije u julu, nakon što se izgradi pješački most preko Miljacke u blizini studentskih domova u Nedžarićima. Raspisan je javni tender za izbor izvođača radova na izgradnji tog mosta koji će povezivati novoizgrađenu biciklističku stazu sa kompleksom Centra za edukaciju, sport i rekreaciju „Safet Zajko“.





OBILAZAK GRADILIŠTA SARAJEVSKE ZAIBILAZNICE

Kružni tok u Brijeshću povezat će Sarajevo sa autoputem



Načelnik Općine Novi Grad Sarajevo Semir Efendić, zajedno sa direktorom Direkcije Cesta Federacije BiH Filipom Vujevom i Hamedom Ramićem, direktorom firme Euro-asfalt, koja zajedno sa ŽGP-om izvodi radove na dovršetku Sarajevske obilaznice, obišli su 28. aprila 2015. godine, gradilište u Brijeshću, gdje su u toku radovi na izgradnji silaznih i uzlaznih rampi.

Tom prilikom uvjerali su se u dinamiku radova koji su u punom jeku, a radi se o grandioznom objektu u koji se nekada dnevno ugrade na hiljade kubika betona. Sama dužina mosta na vijaduktu Brijeshće, koji se trenutno gradi je blizu 700 metara.

Vrijednost projekta, koji podrazumijeva spajanje LOT-a 2A i 2B kružnim tokom u Brijeshću, koji bi trebao da poveže Sarajevo sa autoputem koji je već izgrađen, iznosi 23 miliona konvertibilnih maraka.

Načelnik Efendić, Vujeva i Ramić obišli su i trasu LOT-a 2C, dijela Sarajevske obilaznice, koji nije bio uključen u dosadašnje planove. Dogovoreno je da se razmotre mogućnosti završetka i ovog LOT-a, koji bi trebao da spoji Sarajevsku zaobilaznicu sa ulicom Safeta Zajke. Ukoliko se ne izgradi LOT-a 2C, Sarajevo će dobiti spoj na autoput, s tim da će jedan dio saobraćajnice ostati nedovršen, a to je spoj sa ulicom Safeta Zajke, čijom realizacijom bi Sarajevska zaobilaznica bila u potpunosti završena. Zbog toga će se u narednom periodu sa Vladom Kantona i Federacije BiH pokušati iznaći rješenje i ovog pitanja.

Obzirom da je sastavni dio ovih radova most preko željezničke pruge Sarajevo-Zenica, upriličen je obilazak i ovog lokaliteta, gdje je planirano rušenje sadašnjeg mosta, koji je u jako lošem stanju, kao i izgradnja potpuno novog.

Kada je u pitanju trenutno potpisani ugovor za dovršetak Sarajevske zaobilaznice, koji ne uključuje LOT 2C, planirano je da radovi budu završeni u ovoj godini.

Proširenjem parkinga u B-fazi Ali-pašinog Polja do novih parking mjesta



Općina Novi Grad Sarajevo radi na rješavanju velikog problema sa nedostatkom parking prostora. U proteklom periodu radilo se na proširenju parkinga u B-fazi naselja Ali-pašino Polje, gdje godinama nedostaje mjesta za parkiranje.

Riječ je o parkingu na ulazu u ulicu Nekreza Smailagića, čijom su dogradnjom stanovnici ovog naselja dobili još 25 mjesta za parkiranje. Realizacijom ovog projekta djelimično je ublažen dugogodišnji problem stanovnika ovog naselja, a osim toga, spriječit će se parkiranje vozila na zelenim površinama i trotoarima. Dogradnja parkinga urađena je na zahtjev Savjeta mjesne zajednice „Ali-pašino Polje B-II“, a s obzirom da je problem nedostatka mjesta za parkiranje u ovom dijelu Novog Grada dugo godina prisutan, Općina Novi Grad je realizirala ovaj projekat. Parking je stavljen u upotrebu, a planirano je da se pored proširenja parkinga uradi i horizontalna signalizacija na cijelom parkingu kako bi se olakšalo parkiranje vozila i uvelo više reda u oblasti saobraćaja u mirovanju. Iscrtavanjem parking mjesta omogućit će se više prostora za parkiranje, a predviđeno je i hortikulturno uređenje zelenih površina. Prema riječima Muharema Višnjića, predsjednika Savjeta MZ „Ali-pašino Polje B-II“, proširenjem parkinga značajno će se ublažiti problem saobraćaja u mirovanju.

„Ali-pašino Polje ima veliki problem s parking prostorom jer je, kada je naselje projektovano, bilo mnogo manje automobila. Danas je broj automobila tri puta veći od onog koji je projektovan kada se gradilo naselje, tako da je povećana potreba za parking prostorom, zbog čega smo se obratili Općini Novi Grad, koja je ispoštovala naš zahtjev i krenula u realizaciju projekta“, kazao je Višnjić. Rješavajući problem nedostatka parkinga, koji je posebno izražen na Ali-pašinom Polju, Općina Novi Grad je u prošloj godini finansirala izgradnju prvog velikog parkinga u C-fazi naselja Ali-pašino Polja, gdje je izgrađeno 130 novih parking mjesta.

Izgrađena pristupna saobraćajnica Domu zdravlja "Kumrovec" na Otoci



Polaganjem završnog sloja asfalta, 21. aprila 2015. godine, završena je izgradnja pristupne saobraćajnice Domu zdravlja "Kumrovec" na Otoci. Tim povodom, radove su obišli načelnik Općine Novi Grad Sarajevo Semir Efendić i direktor Direkcije za puteve Kantona Sarajevo Adem Zolj.

Novoizgrađenom pristupnom trakom sa glavne ceste, odnosno Bulevara Meše Selimovića stanovnicima Novog Grada i Kantona Sarajevo omogućit će se lakši pristup Domu zdravlja.

Izgradnju pristupne saobraćajnice u vrijednosti od oko 100. 000 konvertibilnih maraka finansirala je firma Unigradnja, koja gradi stambeno-poslovni objekat uz saobraćajnicu koju je do sada koristio DZ „Kumrovec“. Kako ova saobraćajnica do sada nije bila adekvatna zbog gužvi koje su se stvarale, priključenjem još jednog objekta ona bi postala neupotrebljiva. Zbog toga je firmi Unigradnja dat uslov za dobijanje urbanističke i građevinske saglasnosti za poslovni objekat da izgradi zasebnu priključnu saobraćajnicu za Dom zdravlja, kako bi i jedan i drugi objekat u budućnosti imali neometano funkcionisanje saobraćaja. „Izgradnji pristupne saobraćajnice prethodila je korekcija Regulacionog plana „Alipašin Most VII“ u saradnji sa Ministarstvom saobraćaja KS i Gradskim vijećem, čime je omogućeno da se izgradi pristup Domu zdravlja sa glavne saobraćajnice. Obzirom da je u toku rekonstrukcija Doma

zdravlja, iz kojeg su sve službe trenutno iseljene, ovaj saobraćajni pristup počeo će se koristiti nakon što se završe radovi na ovom objektu“, rekao je načelnik Efendić.

Istakao je da se, pored nove pristupne saobraćajnice, u samo nekoliko desetina metara realizira još nekoliko projekata značajnih za život naših građana. Jedan od njih je izgradnja biciklističke staze koja je u toku, kao i hortikulturno uređenje prostora duž staze, čime će biti upotpunjen ambijent u ovom dijelu Novog Grada.

Pored toga, kako je kazao načelnik Efendić, Općina Novi Grad Sarajevo radila je pripreme za stvaranje provedbeno-planskih uslova za izgradnju još nekoliko stambeno-poslovnih objekata u sklopu RP „Alipašin Most VII“.

Adem Zolj je istakao dobar primjer saradnje između Općine Novi Grad, Direkcije za puteve KS i investitora budućeg poslovnog objekta, koji će se graditi u blizini DZ „Kumrovec“.

„Investitor je izgradio ovu pristupnu traku u skladu sa projektnim rješenjem na koje je Direkcija dala saglasnost. Ovo je jedan primjer, gdje je investitor riješio problem prilaza budućem objektu, koji mu je bio uslov od strane Općine i Direkcije za puteve KS. Ovakav primjer trebale bi slijediti i ostale lokalne zajednice“, kazao je Zolj, dodajući da će Direkcija za puteve KS u narednom periodu na ovoj dionici uraditi i horizontalnu signalizaciju.



OPĆINA RJEŠAVA DUGOGODIŠNJI PROBLEM KRAĐE SLIVNIČKIH REŠETKI I ŠAHTOVSKIH POKLOPACA

Vlastita proizvodnja i ugradnja rešetki i poklopaca metodom zavarivanja

S obzirom da se broj krađa slivničkih rešetki i poklopaca za šahtove enormno povećao, a samim tim i opasnost za sigurnost naših građana, učesnika u saobraćaju, Općina Novi Grad krenula je u rješavanje ovog dugogodišnjeg problema.

Naime, od ove godine putem preduzeća Lokom formirana je radionica u kojoj se vrši vlastita proizvodnja slivničkih rešetki, koje se prilikom postavljanja vare za nosače kako bi se na taj način onemogućila njihova krađa.

Upravo to je bio razlog posjete novoformiranoj radionici, gdje su predstavnici Općine Novi Grad u pratnji medija prisustvovali

izradi rešetki, a potom i postavljanju nove rešetake u ulici Amira Krupalije u naselju Buča Potok.

„Dugo godina imamo problem sa slivničkim rešetkama i šahtovima, prije svega zbog njihove krađe koja se stalno dešava, a za čiju je zamjenu Općina godišnje izdvajala 40.000 konvertibilnih maraka, te angažirala privatnu firmu koja je radila na sanaciji rešetki. Međutim, često se dešavalo da rešetke danas budu zamijenjene, a da su već sutradan ponovo ukradene. Kako bi se taj problem riješio, ove godine smo krenuli u vlastitu izradu slivničkih rešetki koje se zavarivanjem fiksiraju tako da ih više neće biti moguće otuđiti“, objasnio je načelnik Općine Novi Grad Sarajevo Semir Efendić. Kazao je da će se na ovaj način postići određene uštede, te da će rješavanje ovog problema biti mnogo efikasnije nego prethodnih godina kada su održavanje radile privatne firme.

Međutim, istakao je da je bez obzira na uštede, na prvom mjestu sigurnost naših građana, koji su bili izloženi opasnosti od povreda prilikom prelaska preko mjesta sa kojih su otuđene rešetke i poklopci, a dolazilo je i do oštećenja vozila.

Dodao je da će biti potrebna godina ili dvije da se sve rešetke i šahtovski poklopci zamijene na ovaj način, ali da krađa više neće biti moguća. Ekipe koje rade na njihovom održavanju bit će u mogućnosti da ih uz pomoć agregata prilikom čišćenja skinu i ponovo vrate.

Na lokalnim saobraćajnicama, čije je održavanje u nadležnosti Općine Novi Grad, već je postavljeno više desetina metara dužine rešetki na različitim lokacijama gdje je sigurnost građana najviše bila ugrožena.



Nastavlja se uređenje šetnice na Bulevaru branilaca Dobrinje

Općina Novi Grad Sarajevo u ovoj godini nastavlja realizaciju projekta uređenja i revitalizacije šetnice na Bulevaru branilaca Dobrinje u naselju Dobrinja.

Riječ je o nastavku projekta u sklopu kojeg je prošle godine uređena dionica šetnice u dužini oko 200 metara, gdje su u sklopu šetališta izgrađena odmorišta sa klupama za sjedenje, a postojeće hortikulturno uređenje upotpunjeno je novim zelenilom.

Time je ovaj dio Novog Grada poprimio novi izgled, a njegovi stanovnici dobili

su mjesto za odmor i ugodnu šetnju. Osim toga, ovim projektom dodatno je obogaćen sadržaj pješačke zone, koja će u narednom periodu biti produžena do kraja naselja. U toku je provođenje procedure javne nabavke za izbor izvođača radova za drugu fazu projekta, u sklopu kojeg će se urediti još oko 150 metara aleje. Za realizaciju ovog projekta u ovogodišnjem budžetu Općine Novi Grad planirano je 90.000 konvertibilnih maraka.



NOVI GRAD DOBIJA JOŠ JEDNO STAMBENO NASELJE - „DOBRINJA EXCLUSIVE“

Na Dobrinji se gradi naselje zatvorenog tipa prvo u Sarajevu

Stambeni objekti su projektovani i građeni prema najmodernijim standardima gradnje i izgrađeni su kao kompleks zatvorenog tipa, sa mnogo prirodnog svjetla unutar stanova • Cijeli kompleks je ograđen betonskim zidom, a ulaz u naselje će biti pod nadzorom i rampom na pristupnoj saobraćajnici, kako bi se osigurali sigurniji i intimniji uslovi življenja za svaku porodicu



Općini Novi Grad Sarajevo pri kraju je izgradnja još jednog stambeno-poslovnog kompleksa koji se gradi u naselju Dobrinja, a radi se o višemilionskom projektu, čiji je investitor OKI d.o.o. Sarajevo.

Kompleks se sastoji od šest lamela, sa 96 stanova i isto toliko parking mjesta u zajedničkoj garaži, te osam poslovnih prostora. Stanovi u lameli A i B su završeni i već je prodato više od 80 posto stambenih jedinica. Urađena je i pristupna saobraćajnica za ulazak u naselje sa horizontalnom i vertikalnom signalizacijom.

Rezidencijalno naselje „Dobrinja exclusive“ prvo je naselje u Sarajevu i šire koje je zatvorenog tipa, gdje će na plato u naselje moći doći samo vozila hitne pomoći i vatrogasno vozilo, tako da se djeca mogu nesmetano igrati. Cijeli prostor je upotpunjen parkom, cvijećem i zelenim rastinjem, a sastoji se od stambeno-poslovnog i garažnog dijela.

Kako je kazao Edhem Okerić, direktor firme OKI d.o.o. stambeni objekti su projektovani i građeni prema najmodernijim standardima gradnje i izgrađeni su kao kompleks zatvorenog tipa, sa mnogo prirodnog svjetla unutar stambenih jedinica. Cijeli kompleks je ograđen betonskim zidom, a ulaz u naselje će biti pod nadzorom i sa rampom na pristupnoj saobraćajnici. Na taj način investitor je želio da izgradi intimno i sigurnije naselje, koje će predstavljati idelan izbor za svaku porodicu, ali i za sve one koji žele stanovati u mirnom okruženju. Osim toga ovo naselje je prvo u Sarajevu koje ima ugrađene kalorimetre za mjerenje potrošnje grijanja i vode.

„Rezidencijalno naselje se nalazi na padinama brda Mojnilo, dakle na osunčanoj strani okrenutoj prema jugu. To je jedna od najboljih lokacija koja postoji u gradu Sarajevu. Dobrinja je mali grad u gradu sa dosta zelenila i parkovskih površina i svom potrebnom infrastrukturuom, od obdaništa, osnovnih i srednjih škola, do svih ostalih pratećih sadržaja“, istakao je Okerić. Dodao je da je općina Novi grad Sarajevo atraktivno mjesto za ulaganja, a u prilog tome govori činjenica da je na području ove općine povećana stambena izgradnja, jer se sve više mladih bračnih parova odlučuje da živi upravo u ovom dijelu Sarajeva, odnosno u srcu glavnog grada Bosne i Hercegovine. Prema riječima našeg sagovornika, projekat je pokrenut upravo zbog sve veće potražnje za stanovima u općini Novi Grad. A da je općina Novi Grad mjesto ugodnog življenja i uspješnog poslovanja, govori i činjenica da je pored naselja „Dobrinja exclusiv“, na području Novog Grada u toku izgradnja naselja Miljacka u ulici Džemala Bijedića i Domoinvest Provansa na Dobrinji čije useljenje se očekuje u junu ove godine, te stambeno-poslovnog objekta na Otoci.


Bosanska tržnica


Općina Novi Grad Sarajevo

KULTURNO-UMJETNIČKI I ZABAVNI PROGRAM
30. 5. SUBOTA

ZABAVNI PROGRAM ZA DJECU „DJEČIJI DAN“ – HOL OPĆINE I KINO NOVI GRAD, projekcija filma u 13 sati, zabavni program u 14 sati
 KANTONALNA SMOTRA DJEČIJEG FOLKLORA – OŠ „MEŠA SELIMOVIĆ“ – otvaranje smotre u 18 sati

01. 6. PONEDJELJAK

IZLOŽBA RADOVA „UMJETNOST NA VODI“ (TKC „JUNUZ EMRE“) – HOL OPĆINE, u 11 sati
 ZABAVNI PROGRAM ZA NAJMLAĐE, MULTIMEDIJALNA SALA OPĆINE, u 10 sati
 KNJIŽEVNA VEČER SA DŽEVADOM KARAHASANOM – VILA HADŽIHALILOVIĆA, u 19 sati

02. 6. UTORAK

DJEČIJE IGRE „VJEŽBAJMO ZAJEDNO“ – NOVOGRADSKI VRTIĆI, od 10 do 11 sati
 KONCERT ZA PRIJATELJE – DOM STARIH NEDŽARIĆI, u 11 sati
 ŠKOLA KRATKOG FILMA-FINALNO TAKMIČENJE – KINO NOVI GRAD, u 17 sati
 SVEČANO OBILJEŽAVANJE 50. GODINA KUD-a SAOBRAĆAJAC – TEHERANSKI TRG, u 19 sati

03. 6. SRIJEDA

IZLOŽBA FOTOGRAFIJA IZETA KADIĆA – HOL OPĆINE, u 10 sati
 LUTKARSKA PREDSTAVA „MALI MUK“ – MULTIMEDIJALNA SALA OPĆINE, u 10 sati
 REVIJA MODERNOG PLESA – OŠ „SKENDER KULENOVIĆ“, u 19 sati

04. 6. ČETVRTAK

POETSKA MATINEJA ZA DJECU – MULTIMEDIJALNA SALA OPĆINE, u 11 sati
 VEČER SA DAIRAMA – DOM KULTURE ŠVRAKINO, u 18 sati

07. 6. NEDJELJA

DRUŽENJE PENZIONERA UZ KULTURNO-ZABAVNI PROGRAM – CENTAR ZA EDUKACIJU, SPORT I REKREACIJU (BIVŠA KASARNA „SAFET ZAJKO“), u 10 sati
 PREMIJERA DOKUMENTARNOG FILMA „DOBRINJA, OPSADA U OPSADI“ – KINO NOVI GRAD, u 19 sati

09. 6. UTORAK

IZLOŽBA RADOVA ČLANOVA UDRUŽENJA „OAZA“ I „RADOST ŽIVOTA“ – HOL OPĆINE, u 10 sati
 DJEČIJI KONCERT „PJESMA LJILJANA“ – MULTIMEDIJALNA SALA OPĆINE, u 18 sati

10. 6. SRIJEDA

IZLOŽBA IZ FUNDUSA „MUZEJA ALIJE IZETBEGOVIĆA“ – HOL OPĆINE, u 10 sati
 IZLOŽBA LEVHI – OŠ „ALEKSA ŠANTIĆ“, u 10 sati
 NOVOGRADSKI FESTIVAL FOLKLORA – SD OŠ „BEHAUDIN SELMANOVIĆ“ (BRIJEŠĆE), u 18 sati
 PROMOCIJA HISTORIJSKOG ROMANA „KOBNO RASPUĆE“ HALIDA KADRIĆA – VILA HADŽIHALILOVIĆA, u 19 sati

11. 6. ČETVRTAK

KONCERT ENESA BEGOVIĆA – DVORANA „SRCE“ (BUČA POTOK), u 20 sati

12. 6. PETAK

MEĐUNARODNI FESTIVAL FOLKLORA (SVEČANO OTVARANJE) – DOBRINJA (PLATO IZNAD BOSANSKE TRŽNICE) – u 18 sati
 POZORIŠNA PREDSTAVA NPS „BALKANSKI ŠPIJUN“ – MULTIMEDIJALNA SALA OPĆINE, u 20 sati

14. 6. NEDJELJA

KONCERT GRUPE „ZABRANJENO PUŠENJE“ – ISPRD SD „DOBRINJA“, u 21 sat
 MEĐUNARODNA SMOTRA DJEČIJEG FOLKLORA – OŠ „OSMAN NAKAŠ“, u 20 sati

15. 6. PONEDJELJAK

KONCERT HORA „CADENZA“ – MULTIMEDIJALNA SALA OPĆINE, u 20 sati

16. 6. UTORAK

PREDRAMAZANSKI KONCERT VESNE HADŽIĆ I ANSAMBLA „ĐULISTAN“ – MULTIMEDIJALNA SALA OPĆINE, u 20 sati

SPORT
30. 5. SUBOTA

TURNIR U ŠAHU. MZ DOBRINJA C, u 10 sati

30. i 31. 5. SUBOTA I NEDJELJA

MEĐUNARODNI TURNIR U SJEDEOJ ODOJCI „SARAJEVO OPEN“, SD „RAMIZ SALČIN“, u 9 sati
 TURNIR U MALOM NOGOMETU, SD „SRCE“, u 9 sati

06. i 07. 6. SUBOTA I NEDJELJA

MEĐUNARODNI ODOJKAŠKI TURNIR MLADOSTI I PRIJATELJSTVA, GIMNAZIJA NA DOBRINJI, u 9 sati

07. 6. NEDJELJA

MAŁA OLIMPIJADA, OŠ „SOKOLJE“, u 9 sati
 DRŽAVNO PRVENSTVO U STONOM TENISU ZA MLAĐE KATEGORIJE, SD „RAMIZ SALČIN“, u 10 sati

10. - 14. 6. SRIJEDA-NEDJELJA

22. TRADICIONALNI TURNIR U MALOM NOGOMETU "SMIL ŠIKALO", SC "BRAĆA KADIĆ", u 17 sati

11. - 14. 6. (ČETVRTAK-NEDJELJA)

TURNIR U MAKSI ŠAHU, ALIPAŠINO POLJE A I B FAZA, u 16 sati

13. 6. SUBOTA

TAKMIČENJE U SPORTSKOM RIBOLOVU, RIJEKA BOSNA-LADENICA, u 9 sati

16. INTERNACIONALNI TURNIR U KARATEU, SD „RAMIZ SALČIN“, u 9 sati

13. i 14. 6. SUBOTA I NEDJELJA

TURNIR U ODOJCI NA PIJESKU, OTVORENO IGRALIŠE NA DOBRINJI, u 9 sati

17. 6. SRIJEDA

MEĐUNARODNI FUDBALSKI TURNIR U17 "IGRAJ FUDBAL ŽIVI ŽIVOT", STADION OTOKA, u 10 sati

20.6. SUBOTA

OMLADINSKI BOKSERSKI TURNIR, SC „BRAĆA KADIĆ“ ILI SD „SRCE“, u 18 sati

PROGRAM OBILJEŽAVANJA ZNAČAJNIH DOGAĐAJA I LIČNOSTI IZ PERIODA ODBRAMBENO- OSLOBODILAČKOG RATA 1992-1995.GODINA I NARODNOOSLOBODILAČKOG RATA 1941-1945. U 2015. GODINI

PONEDJELJAK, 01.6

OBILJEŽAVANJE DANA KADA JE AGRESORSKA GRANATA NA BAJRAMSKOM TURNIRU USMRTILA 15 GRAĐANA I RANILA VIŠE OD STOTINU GRAĐANA - OD 10 SATI

UTORAK, 02.6.

DAN STRADANJA MJEŠTANA AHATOVIĆA I DOBROŠEVIĆA I FORMIRANJA PRVOG LOGORA U RAJLOVCU - OD 10 SATI

ČETVRTAK, 04. 6.

OBILJEŽAVANJE GODIŠNJICE POGIBIJE BRAĆE KADIĆ - POLAGANJE CVIJEĆA I ODAVANJE POČASTI - OD 10 SATI

PETAK, 05. 6.

OBILAZAK MEZARJA I GROBALJA NA PODRUČJU OPĆINE NOVI GRAD SARAJEVO. DAN POSVEĆEN SVIM ŠEHIDIMA I POGINULIM BORCIMA SA PODRUČJA OPĆINE NOVI GRAD SARAJEVO- OD 10 SATI

PONEDJELJAK, 08. 6.

OBILJEŽAVANJE DANA ODBRANE OPĆINE NOVI GRAD SARAJEVO I BITKE ZA BRDO ŽUČ

SRIJEDA, 10. 6.

OBILJEŽAVANJE DANA PATRIOTSKE LIGE I ZELENH BERETKI - OD 10 SATI

ČETVRTAK, 11. 6.

-A- OBILJEŽAVANJE BITKE ZA VODOVOD MOJMILO - POLAGANJE CVIJEĆA NA SPOMEN-OBILJEŽJU NADIRU KAFEDŽIĆU I SABORCIMA TE ODAVANJE POČASTI ŠEHIDIMA I POGINULIM BORCIMA

-B- ODAVANJE POČASTI ŠEHIDIMA I SVIM POGINULIM U ODBRANI KOTE 680 NA BRDU MOJMILO (ŠTIT I ASIMOVA KOSA -

BITKA SE DOGODILA 10. MAJA 1992. GODINE)

-C - ODAVANJE POČASTI I POLAGANJE CVIJEĆA POGINULIM PRIPADNICIMA ROMSKE NACIONALNOSTI NA SPOMEN OBILJEŽJU NA BRDU MOJMILO, U ULICI NOVOPAZARSKA

-D - ODAVANJE POČASTI I POLAGANJE CVIJEĆA POGINULIM PRIPADNICIMA ARMije RBiH NA SPOMEN-OBILJEŽJU U MZ OTOKA (KOD JU OŠ MEHMEDALIJA MAK DIZDAR)

-E- POLAGANJE CVIJEĆA I ODAVANJE POČASTI NA SPOMEN-OBILJEŽJU U NASELJU OLIMPIJSKO SELO- OD 10 SATI

PETAK, 12. 6.

OBILJEŽAVANJE GODIŠNJICE POGIBIJE SAFETA ISOVIĆA I OSLOBAĐANJA MIJATOVIĆAKOSE, OBILAZAK MJESTA POGIBIJE, MEZARJA, POLAGANJE CVIJEĆA I ODAVANJE POČASTI - OD 10 SATI

POLAGANJE CVIJEĆA I ODAVANJE POČASTI NA SPOMEN OBILJEŽJU SALKIMURATSPAHIĆU, ZAMJENIKU KOMANDANTA 2. VITEŠKE MTBR (POGINUO 28. 7.1993. GODINE)

NEDJELJA, 14. 6.

OBILJEŽAVANJE GODIŠNJICE POGIBIJE 48 BORACA IZ AHATOVIĆA U MJESTU SOKOLINA, OPĆINA ILIJAŠ I 18 BORACA U AHATOVIĆIMA LOKALITET RANOVAČA, POSJETA MEZARJU U AHATOVIĆIMA, POLAGANJE CVIJEĆA I ODAVANJE POČASTI - OD 10 SATI

SRIJEDA, 17. 6.

OBILJEŽAVANJE GODIŠNJICE POGIBIJE SAFETA ZAJKE - POLAGANJE CVIJEĆA I ODAVANJE POČASTI ISPRED ZGRADE OPĆINE NOVI GRAD SARAJEVO, POSJETA MJESTU POGIBIJE, MEZARJU KOD ALI-PAŠINE DŽAMIJE, POLAGANJE CVIJEĆA I ODAVANJE POČASTI, AKADEMIJA U MMC OPĆINE NOVI GRAD SARAJEVO - OD 10 SATI

DAN LOGORAŠA OPĆINE NOVI GRAD SARAJEVO, POLAGANJE CVIJEĆA NA SPOMEN OBILJEŽJU U AERODROMSKOM NASELJU - U 14 SATI

NEDJELJA, 21. 6.

OBILJEŽAVANJE 21. JUNA, DANA ODBRANE DOBRINJE I AERODROMSKOG NASELJA, POLAGANJE CVIJEĆA I ODAVANJE POČASTI ŠEHIDIMA I POGINULIM BORCIMA - U 10 SATI

SRIJEDA, 24. 6.

OBILJEŽAVANJE GODIŠNJICE POGIBIJE MUZAFERA MEŠIĆA I DERVIŠA VRAŽALICE, OBILAZAK MEZARAUBUČA POTOKU, POLAGANJE CVIJEĆA I ODAVANJE POČASTI - OD 10 SATI

Srebrni sponzor manifestacije

MEGAMIX



Srebrni sponzor manifestacije



Sponzor koncerta
ZABRANJENO PUŠENJE



bh

U OVOJ GODINI ZAVRŠAVA SE KONSTRUKCIJA ŠKOLSKOG OBJEKTA NA ANEKSU

Za nastavak radova osigurano 1,2 miliona konvertibilnih maraka

Vrijednost projekta, kojeg zajednički finansiraju Kanton Sarajevo i općine Novi Grad Sarajevo i Novo Sarajevo, iznosi oko 3,5 miliona KM. Do sada je u izgradnju škole utrošeno oko milion maraka.

Izgradnja osnovne škole u naselju Aneks odvijala se predviđenom dinamikom. Nakon što je završeno postavljanje oplata i armature za betoniranje preostalih zidova i dijelova ploče na tlu nižeg i višeg nivoa, izlivena je prva ploča na objektu.

Izgradnja škole na Aneksu, uz dogradnju škole u Dobroševićima, jedan je od najznačajnijih projekata Općine Novi Grad u oblasti obrazovanja, koja je započeta u prošloj godini. Do sada su radnici građevinske firme Unigradnja uradili oko 90 posto posla predviđenog prvom fazom projekta.

Nekoliko mjeseci radilo se izmještanje lokalnog puta i dijela instalacija, te izgradnja velikog potpornog zida, čija je izgradnja bila neophodna radi stabilizacije terena, a nakon čega je započeta gradnja temelja za novi školski objekat.

Vrijednost projekta, kojeg zajednički finansiraju Kanton Sarajevo i općine Novi Grad Sarajevo i Novo Sarajevo iznosi oko 3,5 miliona KM. Do sada je u izgradnju škole utrošeno oko milion maraka.

Za nastavak radova Općina Novi Grad Sarajevo iz ovogodišnjeg je budžeta izdvojila 400.000 konvertibilnih maraka, dok je Vlada Kantona Sarajevo planirala 550.000 KM, a Općina Novo Sarajevo 250.000 KM, što je ukupno 1.200.000 konvertibilnih maraka. Planirano je da u ovoj godini bude završena konstrukcija objekta.

Realizacijom ovog višemilionskog projekta, riješit će se dugogodišnji problem stanovnika Aneksa i okolnih naselja, čija djeca svakodnevno pješače do škole i po nekoliko kilometara saobraćajnicom koja nema trotoar.





PREDSTAVNICI OPĆINE OBIŠLI GRADILIŠTE U DOBROŠEVIĆIMA

Dogradnja škole trebala bi biti završena iduće godine

Za dogradnju škole do sada osigurano 800.000 KM, od kojih je Općina zajedno sa donatorom osigurala 600.000 KM, a Kanton Sarajevo 200.000 KM

Predstavnici Općine Novi Grad Sarajevo obišli su gradilište u naselju Dobroševići, gdje je za radnike firme ITC koji rade na dogradnji škole organiziran ručak.

Radovi na proširenju školskog objekta počeli su u oktobru prošle godine, a ukoliko, a ukoliko se obezbijede finansijska sredstva objekat bi trebao biti završen iduće godine. Osnovna škola Dobroševići jedna je od rijetkih u Kantonu Sarajevo u kojoj se nastava za 572 učenika odvija u šest učionica, a zbog nedostatka učioničkog i drugog prostora, slobodne aktivnosti se uglavnom odvijaju subotom. Školu pohađa 95 učenika po jednom odjeljenju, a nastava se zbog nedostatka prostora odvija u dvije smjene i međusmjerni, tako da je bilo neophodno hitno krenuti u rješavanje ovog problema. S obzirom na hitnost realizacije ovog projekta, na dogradnji škole

radilo se i tokom zime, tako da su dosadašnji radovi izvedeni u rekordno kratkom roku. Završeni su grubi građevinski radovi na izgradnji niskog i visokog prizemlja, a završena je i zadnja ploča, čime je završena konstrukcija objekta, nakon čega je planirano izvođenje radova na instalacijama, te hidroizolaterskih, krovopokrivačkih i ostalih radova.

Za realizaciju ovog projekta do sada je osigurano 800.000 konvertibilnih maraka, od čega je Općina Novi Grad zajedno sa donatorom u prošloj i ovoj godini osigurala 600.000, dok je Kanton Sarajevo u prošloj godini osigurao 200.000 maraka.

Projektom je predviđena izgradnja osam učionica, isto toliko kabineta i jednog većeg prostora za više namjena.

NOVOGRADSKI ĐACI POSTIGLI ZAPAŽENE REZULTATE NA OPĆINSKIM TAKMIČENJIMA

Najuspješnijim učenicima dodijeljene novčane nagrade i diplome

Učenici iz četiri novogradske osnovne škole, nakon kantonalnog takmičenja iz matematike, plasirali se na Federalno takmičenje, a učenica Berina Zejnilović na državnu matematičku olimpijadu



Svečana dodjela novčanih nagrada i diploma najuspješnijim učenicima novogradske osnovnih škola, pobjednicima općinskih takmičenja iz matematike, fizike, informatike, geografije i tehničkog stvaralaštva, upriličena je 27. maja 2015. godine, u vijećničkoj sali Općine Novi Grad Sarajevo. Nagrade su pobjednicima takmičenja uručili načelnik Općine Novi Grad Sarajevo Semir Efendić, predsjedavajuća Općinskog vijeća Novi Grad Edina Gabela i pomoćnik načelnika za obrazovanje, kulturu, sport i lokalni integrisani razvoj Elvir Resić, a svečanosti su prisustvovali i direktori i nastavnici novogradske osnovne škole, učenici i njihovi roditelji. Općinski načelnik Semir Efendić kazao je da su uspjesi koje su postigli učenici naših škola najbolja potvrda da imamo dobre profesore i nastavnike i što je najvažnije dobre učenike. Tom prilikom načelnik Efendić čestitao im je na postignutom uspjehu, uz želju za uspjeh u nastavku školovanja.

Elvir Resić izrazio je zadovoljstvo uspjehom koji su postigli učenici 14 novogradske škole. Posebno je istakao da su se učenici iz četiri novogradske škole, nakon kantonalnog takmičenja iz matematike, plasirali i na Federalno takmičenje, a učenica Berina Zejnilović na državnu matematičku olimpijadu, koja će se održati u Visokom.

Na ovogodišnjem takmičenju učenika devetog razreda osnovnih

škola s područja Novog Grada iz matematike, njih pet osvojilo je stotinu maksimalnih bodova, tako da su prvo mjesto osvojili Azra Redžović, učenica OŠ „Skender Kulenović“, Nejla Subašić i Amina Perviz iz OŠ „Čamil Sijarić“, Dženan Kreho, učenik škole „Skender Kulenović“ i Boris Velašević, učenik OŠ „Osman Nakaš“. Drugo mjesto osvojio je Abdulah Sarajlić iz OŠ „Avdo Smailović“, dok su treće mjesto osvojili Ajla Bizum, učenica OŠ „Meša Selimović“, Edina Serdarević iz škole „Avdo Smailović“ i učenik škole „Skender Kulenović“ Nedim Kunovac.

Među takmičarima osmog razreda u matematici je najbolja bila Berina Zejnilović, iz škole „Mehmedalija Mak Dizdar“, drugo mjesto osvojio je Bakir Muminović iz škole „Osman Nakaš“, dok je treća Hana Macić iz škole „Aleksa Šantić“.

U takmičenju iz matematike od učenika sedmog razreda najbolja je bila Azra Alagić, učenica OŠ „Skender Kulenović“, a slijede je Elina Mursalimova iz OŠ „Fatima Gunić“ i Admir Ahmespahić, učenik škole „Meša Selimović“.

Od učenika osmog razreda za osvojeno prvo mjesto na takmičenju iz fizike, nagrade su dobili Berina Zejnilović, učenica OŠ „Mehmedalija Mak Dizdar“, a za osvojeno drugo i treće mjesto Bakir Muminović, učenik OŠ „Osman Nakaš“ i Naida Mehić, učenica OŠ „Aleksa Šantić“. Dženan Kreho, učenik OŠ „Skender Kulenović“, najbolji



OPĆINA NOVI GRAD I SOS KINDERDORF NASTAVLJAJU
PROJEKAT GOVORNO-JEZIČKE REHABILITACIJE

Logopedskim tretmanom i ove godine bit će obuhvaćeno 200 novogradskih đaka



Općina Novi Grad Sarajevo u saradnji sa humanitarnom organizacijom SOS Kinderdorf Internacional nastavlja realizaciju projekta govorno-jezičke rehabilitacije novogradskih učenika sa glasovno-govornim poteškoćama. Tim povodom, u petak 3. aprila 2015. godine, između Općine i SOS Kinderdorfa potpisan je sporazum o saradnji, čime je omogućen nastavak projekta koji je započet u 2014. godini. „Prošle godine potpisali smo sporazum o realizaciji projekta govorno-jezičkerehabilitacijedjećeškolskoguzrasta.Na osnovi izvještajaškola i korisnika, te direktnog uvida u pojedine segmente rada, zaključili smo da je projekat u 2014. godini imao dobre rezultate. Nastavkom ove saradnje omogućit će se da djeca koja su započela tretmane u ranom uzrastu preveniraju i isprave poteškoće u govoru, posebno kada su u pitanju izgovori određenih glasova i blaži oblici mucanja”, rekao je Elvir Resić, pomoćnik Općinskog načelnika Novi Grad Sarajevo za obrazovanje, kulturu, sport, lokalni i integrisani razvoj. U prošloj godini testirano je 1.809 prvaka iz 14 novogradskih škola za školsku 2013/14. i 2014/15. godinu, od kojih je za 431 učenika utvrđena potreba za govorno-jezičkom korekcijom. Logopedskim tretmanom bit će obuhvaćeno 200 učenika koji su odabrani prema težini i vrsti poremećaja te socijalnom stanju učenika, uz konsultacije sa pedagozima škola. „Prije svega želim reći da je projekat bio veoma uspješan po ocjeni škola, našoj ocjeni i ocjeni Općine Novi Grad. Upravo zato nastavljamo dalje. Između ostalog, u toku projekta testiran je veliki broj djece, identificirana su djeca kojoj je potreban ovakav vid podrške, a značajan broj njih dobio je i kontinuirani logopedski tretman. Svjesni smo da ovim projektom ne mogu biti obuhvaćeni svi kojima je rad sa logopedom potreban, ali svaki veliki rezultat počinje prvim koracima. Bitno je da se projekat nastavi, jer se radi o procesu koji zahtijeva dugoročan i individualni rad sa djetetom, kroz vježbe slušne percepcije, razvoja oralno-glasovnog govora, razvoja jezika, razvoja čitanja i pisanja i vježbe za fluentnost govora”, kazala je Azemina Vuković, direktorica programa SOS Dječija sela Sarajevo.

je među učenicima devetog razreda, dok su se na drugo mjesto plasirali Boris Velašević iz OŠ „Osman Nakaš” i Fahrudin Delić iz OŠ „Aleksa Šantić”. Trećeplasirani je Benjamin Ramhorst iz OŠ „Mehmedalija Mak Dizdar”.

Među učenicima devetog razreda, najbolje znanje iz geografije pokazao je Tarik Jelačić, učenik OŠ „Behaudin Selmanović”, zatim Elma Hasković, iz škole „Čamil Sijarić” i Adnan Kovač iz škole „Fatima Gunić”.

Najuspješniji na takmičenju iz informatike bili su članovi ekipe OŠ “Osman Nakaš” Boris Velašević i Kemal Čengić. Drugo mjesto dijele ekipe osnovnih škola “Aleksa Šantić”, “Skender Kulenović” i “Sokolje” u sastavu Fahrudin Delić, Mirjana Subotić i Tarik Softić, zatim Edin Žiga, Armin Guberinić i Muhamed Hamzić, kao i Edin Smajić, Velid Zenunović i Samija Kustura. Treće mjesto pripalo je ekipi škole „Fatima Gunić” u sastavu: Ermin Džanko, Berin Mujezin i Emin Vladić. Za sve uspješne učenike, Općina Novi Grad je pored općinskih priznanja obezbijedila i novčane nagrade u iznosu od po 100 KM za prvoplasirane, 70 KM za drugoplasirane i 50 KM za osvojeno treće mjesto. Ovom prilikom uručene su i nagrade za najuspješnije učenike na 16. Smotri naučno-tehničkog stvaralaštva mladih Općine Novi Grad Sarajevo.

Najbolje prezentacijske vještine pokazali učenici škole “Džemaludin Čaušević” i Pete gimnazije

U prostorijama Pete gimnazije na Dobrinji, u subotu 18. aprila 2015. godine, održano je općinsko takmičenje za učenike novogradskih osnovnih i srednjih škola, u okviru CIVITAS-ovog projekta građanin. U kategoriji osnovnih škola članovi sekcije CIVITAS-a iz Osnovne škole “Džemaludin Čaušević” osvojili su prvo mjesto sa temom “Problem dječijeg prosjačenja”. Drugo mjesto pripalo je timu škole “Mehmedalija Mak Dizdar” koji su obradili temu “Problem klađenja”, dok je treće mjesto osvojila ekipa iz Osnovne škole “Fatima Gunić” sa temom “Posebno nadarena, inteligentna djeca na marginama društva”. Za prezentaciju teme pod nazivom “Klađenje, ovisnost ili zabava”, učenici Pete gimnazije osvojili su prvo mjesto, dok je drugo mjesto pripalo učenicima Gimnazije Dobrinja. Na takmičenju koje je organizirano po Kalendaru općinskih takmičenja Prosvjetno pedagoškog zavoda Kantona Sarajevo, učenici su birali aktuelne probleme iz svoje zajednice, istraživali ih, ponudili adekvatna rješenja i prezentirali ih pred stručnim žirijem. Učestvovanjem u projektu građanin, učenici, lociraju

problem, istražuju postojeće mjere javne politike, razvijaju svoja rješenja koja predstavljaju nadležnim institucijama i kreiraju akcione planove za njihovu implementaciju. Projekt “Ja građanin” pomaže učenicima da postanu odgovorni i informirani ljudi koji odabirom problema iz svoje zajednice iniciraju usvajanje i izmjene zakona, pokreću izgradnju igrališta, sportskih sala i ekoloških akcija u svojoj lokalnoj zajednici.



OPĆINSKO TAKMIČENJE U STONOM TENISU

Prvo mjesto osvojila ekipa OŠ „Skender Kulenović“



U prostorijama Osnovne škole „Sokolje“ održano je 7. općinsko takmičenje iz stonog tenisa za učenike novogradskih osnovnih škola. Učenici OŠ „Skender Kulenović“ zauzeli su ekipno prvo mjesto, drugo mjesto pripalo je OŠ „Behaudin Selmanović“, a treće OŠ „Sokolje“. U kategoriji dječaka najbolji je bio Jasmin Radić iz OŠ „Skender Kulenović“, dok je drugo mjesto pripalo Benjaminu Zukanoviću iz OŠ „Behaudin Selmanović“. Na treće mjesto plasirao se Tarik Poturak iz OŠ „Skender Kulenović“. U kategoriji djevojčica najbolja je bila Ilma Erović iz OŠ „Skender Kulenović“, drugo mjesto pripalo je Ajli Jašarević iz OŠ „Sokolje“, dok je treće mjesto zauzela Nejra Čorić iz OŠ „Skender Kulenović“.

Škola kratkog filma u Općini Novi Grad Sarajevo



Filmskom radionicom, u kojoj je učestvovalo više od 150 novogradskih osnovaca, te projekcijom dokumentarnog filma o Sarajevu iz 1920. godine, započela je realizacija projekta „Škola kratkog filma“ u organizaciji Općine Novi Grad Sarajevo. O osnovnim elementima filma i historijatu filmske umjetnosti, učenicima su govorili režiser i direktor Filmskog centra Adis Bakrač, te Srđan Rodić, profesor režije u Gimnaziji Dobrinja. Učenici su dobili zadatak da formiraju timove koji će u narednih dvadeset dana pripremiti po jedan kratki film u trajanju od tri do pet minuta, nakon čega će biti održana sljedeća filmska radionica. Planirano je da se učenički filmovi prikažu u okviru tradicionalne manifestacije „Novogradski dani 2015“, a Općina će osigurati nagrade za autore tri najbolja filma. Na ovaj način će Kino Novi Grad postati mjesto koje podstiče dječiju kreativnost i afirmira njihovo filmsko stvaralaštvo. Svi učenici koji žele učestvovati u ovom projektu, a do sada se nisu prijavili, mogu to učiniti u Službi za obrazovanje, kulturu, sport i lokalni integrisani razvoj Općine Novi Grad Sarajevo.

Općina Novi Grad finansira prijevoz učenika sa poteškoćama u kretanju i njihove pratioce



Pomoćnik Općinskog načelnika Novi Grad Sarajevo za obrazovanje, kulturu, sport i lokalni integrisani razvoj Elvir Resić i direktori pet specijaliziranih javnih ustanova, 13. marta 2015. godine, potpisali su sporazum o zajedničkoj saradnji za osiguranje prijevoza za učenike s poteškoćama u kretanju i njihove pratioce s područja općine Novi Grad Sarajevo. Sporazum je potpisan sa javnim ustanovama: Centar za slijepu i slabovidnu djecu i omladinu, Zavod za specijalno obrazovanje i odgoj djece "Mjedenica", Centar za odgoj, obrazovanje i rehabilitaciju

"Vladimir Nazor", Škola za srednje stručno obrazovanje i radno osposobljavanje i Centar za slušnu i govornu rehabilitaciju. „Općina Novi Grad Sarajevo već niz godina finansira prijevoz učenika sa posebnim obrazovnim potrebama i poteškoćama u kretanju i njihovih pratilaca, a ove godine potpisujemo ugovore s pet različitih javnih ustanova. Za tu namjenu iz općinskog budžeta izdvojeno je 70.000 konvertibilnih maraka", kazao je Resić, napominjući da će ova lokalna zajednica i ubuduće nastojati da pomaže ovu djecu u skladu sa svojim mogućnostima.

Direktor Centra „Vladimir Nazor“ Zulfo Ahmetović je izrazio zahvalnost Općini, koja svake godine finansira prijevoz djece koja pohađaju specijalizirane ustanove.

„Želim istaći jednu kvalitetnu podršku i razumijevanje ove lokalne zajednice za sve aspekte prijevoza naših učenika. Zaista je od velikog značaja ova podrška za nastavni proces, odnosno redovno pohađanje nastave, jer da je nije sigurno bi imali mali broj dolazaka naših učenika u školu. Ova vrsta pomoći je od velike važnosti s obzirom da preko 90 % naših učenika dolazi iz socijalno nestabilnih porodica koje imaju jako male budžete", rekao je Ahmetović. Dodao je da će se u saradnji sa Općinom Novi Grad u naredom periodu nastojati iznaći još bolja sistemska rješenja prijevoza djece, kako bi se roditelji oslobodili od obaveze dovođenja i odvođenja djece nakon nastavnog procesa.

Naim Salkić, direktor Centra za slušnu i govornu rehabilitaciju, istakao je važnost podrške Općine Novi Grad ovoj populaciji učenika, prvenstveno zbog toga što su u veoma teškoj ekonomskoj situaciji.

Učenicima novogradskih osnovnih škola dodijeljene potvrde o volontiranju

Uvijećničkoj sali Općine Novi Grad Sarajevo, 19. marta 2015. godine, upriličena je dodjela potvrda o volontiranju za učenike volontere koji su učestvovali u projektu „Volontiranje je cool!" u 2014. godini, kojeg je implementirao Centar za razvoj omladinskog aktivizma "Croatia" uz podršku Općine Novi Grad Sarajevo. Projekat „Volontiranje je cool!" osmišljen je tako da podstiče širenje svijesti o problemima lokalne zajednice, te aktivno djelovanje samih učenika među vršnjacima i u zajednici s ciljem suočavanja s problemima današnjice i kreiranja bolje budućnosti za sadašnje i buduće generacije. Projekat je prepoznat i u drugim gradovima tako da je u školskoj 2013/2014. godini bilo uključeno oko 1.000 volontera iz 30 osnovnih škola iz Sarajeva, Konjica, Mostara, Goražda i Tešnja.

„Učenici volonteri radili su na različitim volonterskim aktivnostima u kojima su zajedno ostvarili dobre rezultate, ukupno 72.000 volonterskih sati i preko 220.000 KM doprinosa državi Bosni i Hercegovini", ističu iz Centra za razvoj omladinskog aktivizma. Potvrde o volontiranju su uručene učenicima osnovnih škola sa područja općine Novi Grad i to: OŠ „Behaudin Selmanović", OŠ „Skender Kulenović" i OŠ „Aleksa Šantić". Dodjeli potvrda prisustvovali su pomoćnik načelnika za obrazovanje, kulturu, sport i lokalni integrisani razvoj Elvir Resić, koji se obratio i čestitao učenicima na njihovom uloženom trudu i radu, kao i Esad Baždar, stručni saradnik za saradnju sa nacionalnim manjinama i mladima. Ovom prilikom Općini Novi Grad Sarajevo dodijeljena je zahvalnica za doprinos u realizaciji navedenog projekta.



SVEČANOST U OŠ ALEKSA ŠANTIĆ

U izgradnju sportskih terena i obnovu škole TIKA investirala blizu 200. 000 eura

Svečanost je započela u isto vrijeme kada je putem videolinka upriličeno i otvorenje škola u Palestini i u Gruziji, koje su također obnovljene uz pomoć TIKA-e



Svečano otvaranje sportskih terena i objekta Osnovne škole "Aleksa Šantić" čiju obnovu je finansirala Turska agencija za međunarodnu koordinaciju i razvoj (TIKA), upriličeno je 25. maja 2015. godine uz bogat kulturno umjetnički program. Svečanosti na obnovljenom sportskom terenu škole, prisustvovali su pored ostalih i ambasador Republike Turske u BiH Cihad Erginay, federalna ministrica obrazovanja i nauke Elvira Dilberović, ministar za obrazovanje, nauku i mlade Kantona Sarajevo Elvir Kazazović, ministar za boračka pitanja Kantona Sarajevo Muharem Fišo, načelnik Općine Novi Grad Sarajevo Semir Efendić, načelnik Općine Ilidža Senaid Memić, goraždanski muftija Remzija ef. Pitić, predstavnice Udruženja „Majke enklava Srebrenica i Žepa, veliki broj učenika, roditelja, predstavnika obrazovnih ustanova i drugi. Svečanost je započela u isto vrijeme kada je putem videolinka upriličeno i otvorenje škola u Palestini i u Gruziji, koje su također obnovljene uz pomoć TIKA-e. Prema riječima direktora škole Muamera Tinjaka, menadžment škole je prije dvije godine aplicirao na projekat obnove škole za zamjenu dotrajale stolarije te radijatora. TIKA je prihvatila projekat u vrijednosti od skoro 200.000 eura. "Imali smo sreću da je taj projekat prošao i da su radovi završeni. U okviru radova zamijenjena je kompletna stolarija na školskom objektu i radijatori, a urađeni su i sportski tereni: vještačke

podloge, podloge na košarkaškom i odbojkaškom igralištu, atletska staza te vještačka trava na fudbalskom igralištu", kazao je Tinjak. Radovi na obnovi škole "Aleksa Šantić" započeli su u novembru 2014. godine, a završeni su u maju 2015. godine. Prema riječima zamjenika generalnog direktora TIKA-e za Balkan i Jugoistočnu Evropu Mahmuta Cevika, TIKA je u prošlosti realizirala brojne projekte unutar BiH, stoga je rado prihvatila i obnovu škole "Aleksa Šantić" u Sarajevu. „Ovu današnju sreću ćemo podijeliti sa ljudima iz Gruzije i Palestine, a tako i sa 80 miliona stanovnika iz Turske, koji su sa nama putem video linka", dodao je Cevik. Kada je riječ o budžetu TIKA-e, Cevik je istakao kako se on određuje prema zahtjevima obrazovnih i drugih institucija u BiH. "On se određuje prema zahtjevima. Do sada smo uspjeli realizovati projekte u vrijednosti od 30 miliona eura, a već imamo isplaniran program blizu tog prošlogodišnjeg budžeta. Imamo dosta projekata u planu", kazao je Cevik dodajući kako TIKA realizuje programe u oblasti kulture, zdravstva, obrazovanja te rekonstrukcije objekata. Škola "Aleksa Šantić" postoji 69 godina i druga je škola po veličini u Kantonu Sarajevo. Državna agencija TIKA koja je osnovana 1992. godine ima mandat za provedbu politike razvojne saradnje Turske u inostranstvu.



KINO

NOVI GRAD

**PREMIJERE SVJETSKIH HITOVA
NAJNOVIJI DJEČJI FILMOVI**

Karte možete kupiti na ulazu u Kino Novi Grad
jedan sat prije svake filmske predstave
Za posjetitelje je obezbijeden **besplatan parking**
ispred Općine Novi Grad Sarajevo
info telefon: 033 291 162 i 033 291 296

VIJEĆE RODITELJA I SINDIKAT OBRAZOVANJA KANTONA SARAJEVO O RJEŠAVANJU PROBLEMA PASA LUTALICA

Podrška radu Higijenskog servisa preduzeća Lokom



„Djeca i njihovo zdravlje važniji su nam od pasa“, poručili nevladinim organizacijama koje se bave zaštitom životinja • Upućen poziv i drugim sarajevskim općinama da se uključe u rješavanje ovog problema



Vijeće roditelja Kantona Sarajevo izrazilo je svoje nezadovoljstvo zbog ugroženosti građana na području Kantona Sarajevo, a u prvom planu djece, zbog velikog broja pasa lutalica na ulicama.

„Djeca i njihovo zdravlje važniji su nam od pasa“, poručili su nevladinim organizacijama koje se bave zaštitom životinja na pres konferenciji održanoj 2. aprila 2015. godine. „Psi lutalice jedan su od gorućih problema u Kantonu Sarajevo. Mali broj institucija i organizacija bavi se njegovim rješavanjem. Niko se nije ozbiljno uhvatio u koštac sa ovim problemom osim Općine Novi Grad Sarajevo i preduzeća Lokom. Mi roditelji im dajemo punu podršku u radu“, kazala je predsjednica Vijeća roditelja Amela Penava. Penava je istakla da nijedna nevladina organizacija ne smije u prvi plan stavljati život pasa u odnosu na život i sigurnost djece. Dogs Trustu i drugim organizacijama koje se bave zaštitom životinja, roditelji poručuju da vole životinje, ali da one trebaju imati svoje vlasnike i biti u dvorištima. Vijeće roditelja pozvalo je i druge sarajevske općine da se uključe u rješavanje ovog problema. „Djeca, osim što su ugrožena na putu od kuće do škole, nemaju više ni prostora za igru zbog psećeg izmeta koje je uzročnik širenja zaraza. Veliki broj djece je nakon napada pasa dobio i dijabetes“, rečeno je na pres konferenciji.

Podršku sudali i predstavnici Sindikata osnovnog obrazovanja i direktori odgojno-obrazovnih institucija u Kantonu Sarajevu. U ime direktora škola, Muamer Tinjak, direktor škole „Aleksa Šantić“, kazao je da je veliki broj roditelja koji traže pomoć zbog svoje djece, ali da su i oni sami izloženi napadima pasa prilikom dolaska po svoju djecu u škole. U 2014. godini ljekarsku pomoć zbog ugriza pasa zatražila su 954 građanina, a godinu ranije 948 osoba.

SVEČANO OBILJEŽEN SVJETSKI DAN ROMA U OPĆINI NOVI GRAD

Promocija romske kulture i običaja



Povodom obilježavanja Svjetskog dana Roma, u multimedijalnoj sali Općine Novi Grad Sarajevo, 8. aprila 2015. godine, održana je manifestacija na kojoj su nastupili učenici 11 osnovnih škola iz Kantona Sarajevo učesnica u projektu "Uključivanje i obrazovanje Roma u Bosni i Hercegovini 2013-2015", a kojeg podržavaju vlade Švicarske i Lihtenštajna, te Fondacija Medicor.

Manifestaciju je otvorio načelnik Općine Novi Grad Semir Efendić, koji je ovoj populaciji čestitao Dan Roma. Načelnik Efendić je kazao da je Općina Novi Grad već drugi put domaćin ove svečanosti, te da je ova lokalna zajednica – zajednica svih njenih građana, bez obzira na nacionalnu pripadnost.

Današnja manifestacija je bila i prilika da se prisutni upoznaju sa ovim bitnim datumom za sve Rome širom svijeta, pa tako i Rome u Bosni i Hercegovini, a učenici su ih svojim bogatim programom proveli kroz romske igre i pjesme koje su izveli s ciljem skretanja pažnje javnosti na nužnost njegovanja romskog identiteta, očuvanja kulture i nastojanja da se omogući svakom romskom djetetu pravo na obrazovanje.

Općina Novi Grad je među prvima počela obilježavati Dan Roma i na taj način doprinijela tome da su u značajnoj mjeri umanjene predrasude prema ovoj

populaciji. U tom smislu, veliki je napredak postignut kada je u pitanju obrazovanje Roma, tako da značajan broj romske djece danas pohađa novogradske škole.

Program-menadžerica Caritasa Švicarske Elma Ćurulija istakla je poruku da je obrazovanje jedini način za izlaz iz siromaštva i stvaranje bolje budućnosti. „Ne želimo da se osvrćemo na stereotipe koji nas okružuju, već želimo prikazati ono najbolje u djeci“, rekla je Ćurulija. Inače, 8. april se obilježava kao Svjetski dan Roma od 1971. godine, kada je održan svjetski kongres Roma u Londonu. Tada je za romsku himnu proglašena pjesma "Ďelem, Ďelem", a ustanovljena je zastava sa točkom kao centralnim simbolom.

Nakon priredbe, otvorena je i izložba učeničkih radova o temi "Romska kultura, istorija i tradicija", a dodijeljene su i nagrade za najbolje napisani literarni i likovni rad o istoj temi. Autori najboljih literarnih radova su Adi Kereš iz OŠ "Džemaludin Čaušević", Asja Rahmanović iz OŠ "Osman Nakaš" i Ajla Ikanović iz Desete osnovne škole. Najbolje likovne radove naslikali su Selveta Tatari iz Treće osnovne škole i Aiša Kadić iz OŠ „6. maj“, dok je kolektivna nagrada za treće mjesto uručena učenicima OŠ "Hašim Spahić".

20. Revija kulturno-umjetničkog stvaralaštva djece iz sarajevskih vrtića



Općina Novi Grad Sarajevo bila je domaćin 20. Revije kulturno-umjetničkog stvaralaštva predškolskih ustanova iz Kantona Sarajevo, koja je upriličena 23. aprila 2015. godine u multimedijalnom centru Općine.

U prepunoj sali multimedijalnog centra prisutnima su se predstavili mališani iz Javne ustanove „Djeca Sarajeva“ i privatnih predškolskih ustanova "An-Nur", "Amel i Nur", "Bilingual nursery school", "Dječiji vrtić Sveta obitelj", PU u sastavu SOS Društvenog centra "Herman Gmainer" i "Sunshine international preschool". Razdragane djevojčice i dječaci su svojim nastupima kroz ples, igrokaz, recital i vokalnu muziku oduševili mnogobrojne prisutne roditelje i goste. Izvedbe kojima su se vrtići predstavili na ovogodišnjoj Reviji kulturno-umjetničkog stvaralaštva rezultat su vrijednog rada odgajateljica sa djecom, uz svesrdnu i bezrezervnu podršku roditelja.

Komisija koju čine predstavnici predškolskih ustanova, izabrat će najuspješnije tačke koje će nastupiti na završnoj Reviji kulturno-umjetničkog stvaralaštva, koja će se održati 4. maja 2015. godine na Ilidži.



12. INTERNACIONALNI TURNIR „OLIMPIK CUP 2015“



Turnir okupio 420 takmičarki iz nekoliko zemalja



U sportskoj dvorani „Ramiz Salčin“ na Mojmilu, 15. marta 2015. godine, svečano je otvoren 12. internacionalni turnir „Olimpik cup 2015“, koji je na jednom mjestu okupio nekoliko stotina takmičarki i ljubitelja ritmičke gimnastike iz nekoliko evropskih zemalja. Organizator dvodnevog međunarodnog turnira ritmičke gimnastike bio je klub ritmičko-sportske gimnastike „Olimpik“.

Kako je kazala trenerica KRSK Olimpik Hidajeta Glavinić, ovo je praznik ritmičke gimnastike u našem gradu, jer se na jednom mjestu okupilo 30 kluba i 420 takmičarki iz Slovenije, Hrvatske, Srbije, Bugarske, Turske, Mađarske, Češke i Bosne i Hercegovine, koje su se dva dana takmičile u A, B i B-light programu. Najmlađa takmičarka je bila Greta Bruder, koja ima samo 4 godine i dolazi iz Mađarske. Također, na turniru učestvuju 43 vrhunska trenera i 20 sudija sa najvišim sudijskim zvanjem. Cilj takmičenja je afirmacija i popularizacija ritmičke gimnastike, ženskog, masovnog i vrhunskog sporta. „Ovim putem zahvaljujemo svim sponzorima koji su nesebično podržali naše aktivnosti i na taj način doprinijeli afirmaciji ritmičke gimnastike. Posebnu zahvalnost iskazujemo svim roditeljima koji su također na svoj način doprinijeli da turnir bude organizovan na visokom nivou“, istakla je Glavinić. Tokom turnira KRSK Olimpik je, zahvaljujući svojim sponzorima, nagrađivao specijalnim nagradama takmičarke, trenere i sudije. Tokom pauza, metodom izvlačenja slučajnim odabirom, najsretnije takmičarke, sudije ili trenerice osvojile su poklone (vijače za ritmičku gimnastiku, Sasaki lopte, Sasaki čunjeve, tegove za vježbanje, fitnes lopte, slatke pakete, kozmetičke setove, školski pribor, te još mnogo drugih poklona iznenađenja).

NOVOGRADSKI ĐACI UČE PLIVATI

Školu plivanja ove godine proći će više od osam stotina novogradskih đaka



Načelnik Općine Novi Grad Sarajevo Semir Efendić i direktor Javnog preduzeća Olimpijski bazen Otoka Avdija Hasanović, potpisali su u zgradi Općine, sporazum o realizaciji projekta škole plivanja za učenike novogradskih osnovnih škola koji pohađaju peti razred. Ovim projektom bit će obuhvaćeno više od 800 učenika iz 14 novogradskih škola koji su izrazili želju da prođu obuku plivanja. Za ovu namjenu Općina Novi Grad osigurala je 50. 000 konvertibilnih maraka. Za sve učenike osiguran je i

prevoz od škole do bazena i natrag, što je u velikoj mjeri doprinijelo da se više od 80 posto novogradskih učenika petog razreda prijavi za školu plivanja, jer je do sada bilo malo teže da ih roditelji odvoze i vraćaju. Obuka će trajati deset dana, a na samom početku obuke instruktori, koji rade sa djecom najprije obave testiranje učenika kako bi utvrdili početno stanje. Nakon završene obuke vrši se finalno testiranje s ciljem mjerenja postignutih rezultata kod svakog učenika posebno. Kako je istakao direktor Hasanović, javno preduzeće Olimpijski bazen „Otoka“

godinama uspješno relizira projekat edukacije djece kroz školu plivanja. Ove godine sva djeca petih razreda osnovnih škola s područja Kantona Sarajevo, proći će školu plivanja. Cilj je svu djecu četvrtih, odnosno petih razreda osnovnih škola provesti kroz jedinstven sistem i metodologiju škole plivanja. Planirano je da se ovaj projekat realizirati i ubuduće, kako bi se u narednih nekoliko godina ispunio cilj ove lokalne zajednice, a to je da Općina Novi Grad bude lokalna zajednica u kojoj sva djeca starija od deset godina znaju plivati.



Uređen park na Mojmilu

Uposlenici preduzeća Lokom organizirali su veliko proljetno čišćenje i uređenje parka šume Mojnilo, koje je nakon zimskog perioda bilo zapušteno. Sa tog lokaliteta očišćene su velike količine smeća, otpadnog materijala i niskorastućeg šiblja, što je bilo prijeko neophodno, kako bi se ovom parku vratio ljepši izgled, a samim tim napravilo mjesto ugodnije za boravak naših sugrađana.



Brojni sportski događaji odražni u objektima preduzeća Lokom

avno preduzeće Lokom d.o.o. u proteklom je periodu nastavilo kontinuitet aktivnosti, pogotovo kad su u pitanju sportski i kulturni sadržaji, koji su se odvijali u sportskim dvoranama, kao i u ostalim objektima kojima ovo preduzeće upravlja. U ovom broju INFO-a izdvojit ćemo samo neke.

Naime, u dvorani „Ramiz Salčin“ na Mojmilu završene su sportske aktivnosti, koje se odnose na odigravanja završnice prvenstva u malom fudbalu u kojem je malonogometni klub Centar osvojio prvo mjesto, čime je stekao mogućnost takmičenja u grupnoj

fazi Uefa fudbal cupa. Također, odigrane su završnice u malom nogometu Fair play lige kao i Biznis lige. Isto tako okončana je takmičarska liga u košarci, gdje su naši korisnici ekipa Burcha osvojili prvo mjesto i samim tim plasman u A košarkašku ligu. Uspješno je organiziran i turnir tokom prvomajskih praznika srednjoškolskih ustanova Islamske zajednice BiH.

Kad je u pitanju sportska dvorana Dobrinja, u kontinuitu su nastavljeni trenažni procesi raznih udruženja od rukometaša, odbojkaša, košarkaša, kao i individualnih korisnika – fizičkih lica. Dvorana „Srce“ u Buča Potoku

je dosta uspješno startala sa radom, tako da je to mjesto gdje se u kojem se okupljaju različita sportska udruženja, među kojima je FK „Novi Grad“ koji u ovoj dvorani organizira brojne aktivnosti, kao što su sedmično odigravanje mini turnira za dane vikenda koji okupljaju generacije razne starosne dobi.

Na stadionu Otoka su pojačane aktivnosti koje se tiču održavanja samog terena, koji slovi za jednog od boljih u državi na kojem se odigravaju prvenstveno utakmice Olimpka, SFK 2000, kao i ostale manifestacije manjeg karaktera.



USPJEH TAEKWONDO REPREZENTACIJE BIH U TURSKOJ

Drugo mjesto pripalo novogradskom klubu „Zlatni Ljiljan“

Kadetska taekwondo reprezentacija Bosne i Hercegovine, osvojila je devet medalja na 5. Međunarodnim dječjim sportskim igrama, koje su se održale od 19. do 24. aprila 2015. godine, u turskom gradu Konya.

Među 850 učesnika iz 22 zemlje, na sportskom takmičenju drugo mjesto osvojila je ekipa Taekwondo kluba „Zlatni Ljiljan“ iz Novog Grada.

Taekwondo tim iz Bosne i Hercegovine nastupio je sa osam takmičara: Merjema Fejzić, Šejla Vehab, Amina Hasić, Kerim Ahmedspahić, Nedžad Husić, Andrej Andrić, Danijela Đukić i Stefani Banjac.

U izuzetno jakoj konkurenciji naš tim uspio je osvojiti dvije medalje. Merjema Fejzić, iz Taekwondo kluba „Nur“ iz Kaknaja, je u kategoriji do 47 kg osvojila 3. mjesto, dok je Amina Hasić, iz Taekwondo kluba „Zlatni Ljiljani“, u kategoriji preko 55 kg osvojila 2. mjesto. Reprezentaciju su predvodili Predsjednik Taekwondo saveza BiH Ahmet Dilek i treneri Goran Teofilović i Hamza Malbašić.

Obilježen 6. paril – Dan grada Sarajeva



Povodom 6. aprila – Dana grada Sarajeva, delegacija Općine Novi Grad Sarajevo, predvođena predsjedavajućom Općinskog vijeća Edinom Gabela i Ahmetom Zećom, v.d. pomoćnika načelnika Općine Novi Grad za lokalnu samoupravu, položila je cvijeće na spomen-obilježje šehidima i poginulim borcima Armije Republike Bosne i Hercegovine, na Trgu ZAVNOBiH-a na Ali-pašinom Polju. Na ovom mjestu okupili su se članovi porodica poginulih, rodbina i prijatelji, predstavnici Grada Sarajeva, Gradskog vijeća Sarajeva, vijećnici Općinskog vijeća Novi Grad Sarajevo, predstavnici savjeta mjesnih zajednica Ali-pašino Polje B-I i B-II, boračkih udruženja, Osnovne škole „Fatima Gunić“ i građani. Učenjem Fatihe i minutom šutnje odata je počast ubijenim sugrađanima. Prisutni su se sjetili hrabrih sinova naše zemlje koji su tokom agresije na BiH u periodu od 1992. do 1995. godine dali svoje živote za odbranu grada i domovine, kao i onih koji su 1945. godine oslobodili Sarajevo od fašizma. Sa ovog skupa poručeno je da oni nikada ne smiju biti zaboravljeni i da je dužnost i obaveza svih nas da se sjećamo žrtava i onih koji su pali za slobodu u kojoj mi danas živimo. Prilikom obilježavanja ovog datuma istaknuta je historijska važnost 6. aprila, a prisutni su još jednom podsjetili da je na ovaj datum 1945. godine Sarajevo oslobođeno od fašizma, te da je 1992. godine počela opsada Sarajeva. Šestog aprila 1992. godine Sarajevo i njegovi stanovnici su bili suočeni sa novim agresorskim



napadima i blokadom koja je trajala 1.425 dana. Tokom opsade grada, najduže u historiji savremenog ratovanja, ubijeno je blizu 11.500 ljudi, od toga 1.601 dijete. Najmanje 50.000 osoba je tokom granatiranja ranjeno, a više od 300 granata dnevno ispaljivano je na grad sa okolnih brda, gdje je bila stacionirana artiljerija Jugoslavenske narodne armije i Vojske Republike Srpske.

U DVORANI „RAMIZ SALČIN“ SVEČANO OBILJEŽEN 15. APRIL – JEDAN OD NAJZNAČAJNIJIH DATUMA U HISTORIJI BiH

Dan Armije RBiH proslavljen uz druženje sa borcima, ratnim vojnim invalidima, članovima porodica poginulih ...

Općina Novi Grad priredila ručak za 1.500 boraca pripadnika novogradskih ratnih brigada i goste

- Svečanosti prisustvovalo i oko 700 učenika, nastavnika i direktora novogradskih osnovnih škola
- Prikazani i originalni video zapisi ratnih dešavanja na teritoriji općine Novi Grad


U povodu 15. aprila – Dana Armije Republike Bosne i Hercegovine, Općina Novi Grad Sarajevo organizirala je svečano obilježavanje jednog od najznačajnijih datuma u historiji naše zemlje. Tim povodom, u dvorani „Ramiz Salčin“ na Mojmilu, uz prisustvo oko 1.500 boraca, ratnih vojnih invalida, članova porodica šehida i poginulih boraca Armije RBiH i oko 700 učenika i nastavnika novogradskih osnovnih škola, upriličen je prigodan program i ručak za borce, pripadnike novogradskih ratnih brigada i goste. Svečanosti su, između ostalih, prisustvovali generali Armije RBiH Ismet Hadžić, Fikret Muslimović, Nedžad Ajnadžić, Vahid

Karavelić, Džemal Merdan i Hajrudin Grabovica, ratni komandanti, predstavnici Općine Novi Grad, Općinskog vijeća, direktori obrazovnih ustanova i gosti iz drugih brigada – pripadnici „Crnih labudova“, Četvrte viteške brigade sa Ilidže, Četvrte muslimanske brigade, umirovljenici HVO HB „Kralj Tvrtko“ i ratne policije. Prisutnima su se obratili načelnik Općine Novi Grad Sarajevo Semir Efendić, pomoćnik načelnika za boračka pitanja Tajib Delalić, a o ratnom putu i herojskim podvizima pripadnika Armije RBiH govorili su nosioci najvećeg ratnog priznanja „Zlatni ljiljan“ Nedžad Bublin Čupo i general Ismet Hadžić. Načelnik Općine Novi Grad Sarajevo Semir Efendić čestitao je prisutnima Dan Armije

RbiH, istakavši njen značaj za odbranu i opstojnost države BiH. Načelnik je kazao da su četiri novogradske ratne brigade imale 25. 000 vojnika, koji su se borili na linijama odbrane od Mojmila, Nedžarića, Sokolja, Boljakovog Potoka, do Žuči, i na tim najvećim ratištima izvojevali brojne pobjede.

Armija BiH – naš ponos

„Želja nam je bila da Dan Armije obilježimo sa što više običnih boraca, koji su bili u rovovima na padinama Novog Grada. Zaista smo ponosni na velike borce i sve šehide koji su dali svoje živote u odbrani BiH od agresora, i mi smo tu da opravdamo njihove žrtve i da njihov trud ne bude uzaludan, da njihova djeca žive u miru, da razvijaju



državu BiH. Armija RBiH je ponos – Armija koja je stvorena u ratu, koja nije pravila masovne grobnice, koja nije rušila vjerske objekte u BiH iako su svi naši porušeni. Naprotiv, u Sarajevu je naša Armija čuvala vjerske objekte. Jasno je cijeli svijet mogao da vidi razliku između Armije RBiH i onih koji su nas napadali”, rekao je načelnik Efendić, podsjetivši da Haški tribunal nije podnio ni jednu jedinu optužnicu protiv bilo koga iz političkog rukovodstva RBiH, za razliku od agresora, čija su kompletna vojno-politička rukovodstva optužena i osuđena u Hagu. „Mi možemo biti ponosni na našu herojsku Armiju i njene vrijednosti koje je ona promovirala u svojoj borbi. To su moralne vrijednosti na kojima se mogu izgraditi

carstva, a ne samo jedna mala država kakva je naša BiH”, riječi su načelnika Općine Novi Grad.

U svom obraćanju prisutnima, Nedžad Bublin je podsjetio da je 15. april jedan od najvažnijih datuma u historiji BiH, jer da tada nije formirana Armija BiH, danas možda ne bi bilo ni Bosne. „Armija BiH je priča o znanim i neznanim junacima, herojima, o našim šehidima i poginulim borcima i svim građanima koji su se borili za pravo da živimo i opstanemo u našoj domovini”, rekao je Bublin. On je pozvao mlade generacije da čuvaju sjećanje na časnu i hrabru borbu Armije RBiH, da čuvaju njene simbole i tradiciju, da ne zaborave šehide i poginule borce i preuzmu odgovornost za

nastavak njihove misije koja nikada nije bila osveta i mržnja, već pravda i istina, te da ne dozvole da njihove žrtve budu uzaludne. General Hadžić je kazao da su političke odluke Predsjedništva RBiH, na čelu sa rahmetli Alijom Izetbegovićem, da se sve vojne formacije stave pod komandu Teritorijalne odbrane, koja je kasnije prerasla u Armiju RBiH, izuzetno važne za opstanka BiH, jer bi u suprotnom imali situaciju kakva je danas u Siriji. Prisutni su imali priliku pogledati dokumentarni film – kompilaciju originalnih ratnih snimaka sa teritorije općine Novi Grad, od kojih su neki prikazani po prvi put. Svečanost je upotpunjena i muzičkim interpretacijama koje su izveli Hasiba Agić i Abid Sakalaš.

U ulici Esada Midžića otkriveno spomen-obilježje šehidima i poginulim borcima



U Općini Novi Grad Sarajevo 23. godišnjica od formiranja Armije Republike Bosne i Hercegovine obilježena je polaganjem cvijeća na spomen-obilježja i odavanjem počasti šehidima i poginulim borcima Armije RBiH.

Tim povodom u ulici Esada Midžića u Buča Potoku svečano je otkriveno spomen-obilježje izgrađeno u znak sjećanja na 13 šehida i poginulih boraca iz ove ulice, koji su dali svoje živote u odbrani BiH od agresije.

Na ovom mjestu okupili su se članovi porodica poginulih, saborci, rodbina i komšije, predstavnici Općine Novi Grad sa načelnikom Semirom Efendićem i predsjedavajućom Općinskog vijeća Novi Grad Edinom Gabela, predstavnici boračkih udruženja, članovi Savjeta MZ Ali-pašin Most II, kao i predstavnici političkih partija. Učenjem Fatihe i minutom šutnje prisutni su se sjetili hrabrih sinova Armije RBiH, koji su u temelje slobodne BiH ugradili svoje živote.

Tom prilikom, načelnik Efendić zahvalio je prisutnima što su u velikom broju došli na otkrivanje spomen-obilježja, gdje su uklesana imena 13 šehida i poginulih boraca iz ove ulice.

„Ovo je bila inicijativa njihovih komšija iz ove ulice. Općina je odgovorila na tu inicijativu i izgradila spomen-obilježje uz dobru volju mještana Ramiza Okerića, koji je dozvolio da se na vanjskom zidu njegove kuće izgradi ovo spomen-obilježje. Nema ulice koja nije dala svoje borce za odbranu BiH od agresije. Ovo je jedno mjesto za podsjećanje na sve njih, a veliki broj prisutnih pokazuje jedno poštovanje prema onima koji su dali svoje živote za odbranu



naše domovine. Da nije bilo tih ljudi, mi danas ne bismo imali priliku raditi ovo što radimo. Najmanji znak zahvalnosti prema njima je da na adekvatan način obilježimo i ovakvim spomen-obilježjima podsjećamo one koji su ostali živi i njihovu djecu i sve one koji budu dolazili ovdje, da je ova sloboda skupo plaćena, da je plaćena krvlju hrabrih sinova naše domovine”, rekao je načelnik Efendić.

Delegacija Općine Novi Grad, u prisustvu građana, boraca, članova porodica poginulih, te učenika i nastavnog osoblja osnovnih škola „Meša Selimović” i „Fatima Gunić”, položila je cvijeće i na spomen-obilježja kod Osnovne škole „Meša Selimović” i na Trgu ZAVNOBiH-a u B-fazi Ali-pašinog Polja.

Obilježavanje 15. aprila – Dana Armije RBiH i 20. godišnjice od završetka agresije na BiH, u Općini Novi Grad nastavljeno je svečanim programom u sportskoj dvorani „Ramiz Salčin”, uz druženje i ručak za borce i goste.

U Novom Gradu obilježen Dan „Zlatnih ljiljana“

Polaganjem cvijeća na mezarja i spomen-obilježja šehidima i poginulim borcima Armije Republike Bosne i Hercegovine u općini Novi Grad Sarajevo obilježen je 9. maj - Dan „Zlatnih ljiljana“ i Dan pobjede nad fašizmom.

U prisustvu članova porodica šehida i poginulih boraca, dobitnika najvećih ratnih priznanja „Zlatni ljiljan“ i „Zlatna policijska značka“, delegacija Općine Novi Grad sa načelnikom Semirom Efendićem i pomoćnikom općinskog načelnika za boračka pitanja Tajibom Delalićem, položila je cvijeće na centralno spomen-obilježje ispred zgrade Općine i odala počast poginulim pripadnicima Armije RBiH. Delegacije su potom zajedno sa članovima porodica šehida i poginulih boraca, boračkih udruženja i građana, obišle šehidska mezarja i groblja na Dobrinji, u Boljakovom Potoku, kod ŽIŠ-a i u Buča Potoku, nakon čega su se učesnici obilježavanja ovog datuma okupili na šehidskom mezarju Kahrmani u Pazariću, gdje je položeno cvijeće i proučena dova šehidima.

Devetog maja 1992. godine borci Armije RBiH su se suprotstavili najgorem obliku fašizma – agresiji na Bosnu i Hercegovinu. Tokom četverogodišnje opsade, u Sarajevu je poginulo više od 11. 500 građana-civila, a među njima više od 1. 600 djece.

Povodom obilježavanja ovog datuma, u KSC Ilidža održana je akademija pod nazivom „Čudo bosanskog otpora“, na kojoj su evocirane uspomene na herojsku odbrambeno-oslobodilačku borbu hrabrih sinova naše domovine.



SJEĆANJE NA VIŠE OD 1. 600 UBIJENE DJECE SARAJEVA

Delegacija Općine Novi Grad položila cvijeće na spomen-obilježje u Velikom parku

Ispred spomen-obilježja ubijenoj djeci opkoljenog Sarajeva u Velikom parku, 8. maja 2015. godine, obilježen je Dan sjećanja na ubijenu sarajevsku djecu tokom agresije na našu zemlju od 1992. do 1995. godine, a na manifestaciji koja je održana pod nazivom „Djeca Sarajeva“ učenici iz sarajevskih škola izveli su pjesmu „Samo da rata ne bude“.

Na ovom mjestu okupili su se brojni roditelji i rodbina ubijene djece, veliki broj građana, učenika sarajevskih osnovnih i srednjih škola, boračkih udruženja, predstavnika svih nivoa vlasti i građani. Manifestaciji su prisustvovali predstavnici Općine Novi Grad Sarajevo, na čelu sa predsjedavajućom Općinskog vijeća Edinom Gabela, koji su zajedno sa ostalim zavničnicima, roditeljima i rodbinom ubijene djece Sarajeva, te mališanima iz sarajevskih vrtića, položili cvijeće na spomen-obilježje i učenjem Fatihe i minutom šutnje odali počast nevinim žrtvama agresije.

Okupljeni nisu mogli skriti tugu, bol i suze. Roditelji djece ubijene tokom agresije na našu zemlju poručuju kako zaborava nema,



te da bol može ublažiti pravda i procesuiranje odgovornih za ubistvo više od 1. 600 sarajevske djece. Kao i ranijih godina prisutni su se prisjetili djece koja su poginula tokom opsade Sarajeva, a sa ovog mjesta, iz centra glavnog grada BiH, poslana je poruka mira. Naglašeno je da nove generacije moraju odrastati u zajedništvu, ljubavi i poštovanju prema svim nacijama. Događaj je organiziralo Udruženje roditelja ubijene djece opkoljenog Sarajeva 1992-1995, a predsjednik tog udruženja Fikret Grabovica je kazao da se zlo nikad i nigdje ne smije ponoviti. „Mladi ne smiju zaboraviti ovo zlo, ali ne da bi mrzili i da bi se svetili, nego da bi svoj život učinili ljepšim, sigurnijim, kako svoj tako i život budućih generacija“, rekao je Grabovica. Također, upućena je poruka i pravosudnim organima da konačno hapse i procesuiraju ubice djece Sarajeva. „Našu bol ne može ništa izliječiti, osim pravde za 1.600 ubijene djece Sarajeva“, poručio je Grabovica.

SJEĆANJE NA NAJHRABRIJE SINOVE ARMIJE RBiH

Obilježena godišnjica pogibije rahmetli Safeta Hadžića i njegovih saboraca

18. aprila 1992. godine, Hadžić je zajedno sa saborcima Nerminom Zeljkovićem, Seadom Velićem, Fahrudinom Čavčićem, Almirom Islamovićem i Senadom Čirićem izgubio život na ulaznoj kapiji preduzeća „Pretis“, prilikom pokušaja da iz kruga tog preduzeća izvuče naoružanje i municiju neophodnu za odbranu našeg grada.



Polaganjem cvijeća na spomen-obilježju brigadnom generalu Armije RBiH rahmetli Safetu Hadžiću ispred zgrade Općine Novi Grad Sarajevo, 18. aprila 2015. godine obilježena je 23. godišnjica pogibije heroja odbrambeno-oslobodilačkog rata i dobitnika najvećeg ratnog priznanja „Zlatni ljiljan“ i njegovih saboraca. Uz vojne počasti Voda Oružanih snaga BiH, učenjem Fatihe i minutom šutnje odata je počast legendarnom pokretaču otpora agresiji, čije će ime ostati zapisano u historiji naše odbrambeno-oslobodilačke borbe. Cvijeće na spomen-obilježje položili su načelnik Općine Novi Grad Semir Efendić i predsjedavajuća Općinskog vijeća Edina Gabela, te delegacije Kantona Sarajevo, predstavnici boračkih udruženja, političkih partija, a obilježavanju su prisustvovali i članovi porodice Hadžić, rodbina, prijatelji i saborci rahmetli Safeta Hadžića i građani. Na taj dan prije 23. godine, Safet je zajedno sa saborcima Nerminom Zeljkovićem, Seadom Velićem, Fahrudinom Čavčićem, Almirom Islamovićem i Senadom Čirićem, izgubio život na ulaznoj kapiji preduzeća „Pretis“, prilikom pokušaja da iz kruga tog preduzeća izvuče naoružanje i municiju neophodnu za odbranu našeg grada. O liku i djelu brigadnog generala govorio je Tajib Delalić, pomoćnik Općinskog načelnika Novi Grad za boračka pitanja, a skupu se obratio i načelnik Općine Semir Efendić, koji je istakao značaj i ulogu Safeta Hadžića i njegovih saboraca u odbrani općine Novi Grad, Sarajeva i države BiH. „Za općinu Novi Grad ime generala rahmetli Safeta Hadžića znači mnogo. Imao je lidersku ulogu u jednom izuzetno teškom vremenu, u vremenu kada je postojala JNA i kada je veliki broj ljudi mislio da će ona ih brani, a zapravo je JNA ubijala i širom BiH činila zločine. Upravo u tom vremenu, Hadžić je bio među prvim organizatorima otpora bh. patriota, koji su se usprotivili agresiji na našu zemlju i organizirali Patriotsku ligu Bosne i Hercegovine“, rekao je načelnik Efendić.

Dodao je da je važno da cijenimo i znamo ulogu rahmetli Safeta Hadžića i njegovih saboraca. „Broj ljudi koji se iz godine u godinu okuplja na ovom spomen-obilježju govori da nismo zaboravili žrtvu koju su Safet i njegovi saborci dali u odbrani naše domovine od agresora“, naglasio je načelnik Općine Novi Grad Sarajevo. Nakon polaganja cvijeća na spomen-obilježju kod zgrade Općine Novi Grad, delegacije su posjetile mjesto pogibije Safeta Hadžića i njegovih saboraca u krugu „Pretisa“ u Vogošći i njegov mezar na Kovačima, gdje je položeno cvijeće i proučena Dova. Obilježavanje godišnjice pogibije rahmetli Safeta Hadžića i njegovih saboraca održano je u organizaciji Općine Novi Grad Sarajevo, Udruženja boraca „Patriotska liga“ Vogošća i Udruženja veterana Odreda policije „Bosna“ FBiH.



OBILJEŽENA GODIŠNJICA BITAKA ZA ODBRANU NASELJA HEROJA SOKOLJE

U odbrani Sokolja od agresora život izgubila 34 borca Druge viteške brigade

U četiri velike bitke: 9. maja i 1. decembra 1992. godine, te 27. januara i 18. marta 1993. godine, borci Druge viteške brigade izvojevali su pobjedu.

Polaganjem cvijeća na spomen-obilježje poginulim borcima Armije BiH, kod Osnovne škole „Sokolje“, predstavnici Općine Novi Grad Sarajevo, Udruženja Druge viteške motorizovane brigade, porodice šehida i poginulih boraca, boračkih udruženja, Osnovne škole „Sokolje“, političkih partija i građani, 18. marta 2015. godine obilježili su godišnjicu bitaka koje su vođene za odbranu Naselja heroja Sokolje.

Učenjem Fatihe i minutom šutnje odata je počast hrabrim sinovima koji su u odbarni naše domovine dali svoje živote. Evocirane su uspomene na herojske dane odbrambeno-oslobodilačke borbe, borbe za opstanak naroda i države BiH. U nastojanju da se otrgne od zaborava, uspomena na vrijeme kada je branjeno i odbranjeno Sokolje, grad Sarajevo i domovina BiH, održan je i historijski čas.

U odbrani Sokolja poginula su 34 borca Druge viteške brigade, a među njima je bio i Smail Smajo Šikalo. On je ranjen 1. decembra 1992. godine, a osam dana kasnije je preminuo.

Kako je istaknuto, borbe vođene na ovom području imale su veliki značaj kako za samo naselje tako i za Sarajevo i cijelu BiH. Bitke koje su se vodile za odbranu Sokolja, bile su bitke za odbranu glavnog grada BiH i za BiH.

„Mi danas imamo priliku, zahvaljujući herojskoj borbi pripadnika Armije BiH, da na ovakav način možemo svjedočiti svemu onome što se dešavalo u periodu 1992.-1995. godine. Naša obaveza je da se sjećamo tih ljudi, ali i da gradimo našu državu, da radimo na tome da ona bude mjesto ugodnog življenja za sve njene građane“, istaknuo je Tajib Delalić, pomoćnik Općinskog načelnika Novi Grad Sarajevo za boračka pitanja, rad, socijalna pitanja i zdravstvo.

Prema riječima Sade Šatrovića, predsjednika Udruženja „Druge viteška brigada“, Naselje heroja Sokolje bilo je vrlo važno za agresora, jer bi njegovim osvajanjem agresor kontrolirao zapadni dio prilaza gradu. U više navrata to je i pokušao, ali je naišao na herojski otpor boraca Druge viteške brigade i stanovnika naselja. U ovom naselju odigrale su se četiri velike bitke: 9. maja i 1. decembra 1992. godine, te 27. januara i 18. marta 1993. godine.



U svim tim bitkama borci Druge viteške brigade su izvojevali pobjedu. S područja ovog naselja poginulo je 198 boraca Armije BiH, čija su imena ispisana na spomen-obilježju u blizini škole. Tokom obilježavanja ovih značajnih događaja, prigodan program izveli su učenici Osnovne škole „Sokolje“, a pobjednicima turnira u stonom tenisu, koji je održan povodom obilježavanja godišnjice bitaka za odbranu Sokolja, uručene su diplome.

SVEČANA AKADEMIJA U POVODU 22. GODIŠNJICE FORMIRANJA 101. BRIGADE

U odbrani BiH od agresora poginula 472 borca 101. motorizovane brigade

Povodom obilježavanja 22. godišnjice 101. motorizovane brigade Prvog korpusa Armije Republike Bosne i Hercegovine, u multimedijalnoj sali Općine Novi Grad Sarajevo, u četvrtak 24. aprila 2015. godine, održana je svečana akademija. Manifestaciji su prisustvovali predstavnici Općine Novi Grad Sarajevo, sa načelnikom Semirom Efendićem, predstavnici boračkih udruženja, veliki broj saboraca, članova šehidskih i porodica poginulih boraca, ratnih komandanata, predstavnika obrazovnih ustanova, učenika i građana. Prisutni su se učenjem Fatihe i minutom šutnje prisjetili šehida i poginulih boraca, a evocirane su uspomene na herojsku borbu pripadnika ove brigade. U ime domaćina, skupu se obratio općinski načelnik Semir Efendić, koji je podsjetio na ratni period i ukazao na značaj boraca 101. mbr. u odbrani općine Novi Grad, grada Sarajeva i države BiH, ali i svih drugih boraca Armije RBiH, koji su dali svoj doprinos u odbrani zemlje od agresora.

Prisutnima su se obratili i Hamdija Lagumdžić, predsjednik UO Udruženja "101. motorizovana brigada", prvi komandant ove brigade Nedžad Ajnadžić i načelnik Općine Novo Sarajevo Nedžad Koldžo. General Ajnadžić je istakao da niko časnije ni poštenije ne može govoriti u miru, od onih koji su se za mir borili u ratu. U svom govoru podsjetio je prisutne na značaj boraca 101. brigade u ratu, kao i obavezu države da se brine o njima u miru. U svom izlaganju, Lagumdžić je kazao da je bila čast biti borac 101. brigade, koja je osnovana 1. marta 1993. godine. Podsjetio je da su kroz ovu brigadu prošla 8. 172 borca i 858 starješina, koji su dali veliki doprinos u odbarni Sarajeva i BiH. Mnogo je boraca darovalo svoj život u odbranu domovine, a krasila ih je srčanost i vjera u pobjedu. U herojskoj odbrani BiH od agresora poginula su 472 pripadnika 101. motorizovane brigade, a 26 je odlikovano najvećim ratnim priznanjem „Zlatni ljiljan“. Zona odgovornosti ove brigade na sarajevskom ratištu protezala se na području dvije općine – Novi Grad i Novo Sarajevo, od Vrbanja



mosta, preko Hrasnog Brda, Trga heroja, Hrasnog, Mojmila, do padina prema Dobrinji. Značajne bitke u kojima je ova brigada učestvovala vodile su se na Vodovodu (Mojmilo), Hrasnom Brdu, Trgu heroja, Ozrenskoj i Vrbovskoj ulici, Poljinama, Dobrinji. Borci ove brigade učestvovali su i na ratištima van zone odgovornosti ove jedinice širom Sarajeva, a posebno zanačajne bitke odigrale su se za kotu 850, u rejonu Žuč. Osim toga, brigada je tokom jula i augusta 1993. godine djelovala na igmansko-bjelašničkom ratištu, a učestvovala je i u bitkama na Crnoriječkoj visoravni. Borci 101. brigade ispisali su najljepše stranice velike bosanskohercegovačke odbrambeno-oslobodilačke borbe. Na svečanoj akademiji uručene su zahvalnice pojedincima za doprinos u radu Udruženja 101. motorizovana brigada. Zahvalnice su uručene načelniku Općine Novi Grad Semiru Efendiću, njegovom pomoćniku za boračka pitanja Tajibu Delaliću, ratnom komandantu generalu Nedžadu Ajnadžiću i drugima.

Manifestacija je upotpunjena interpretacijama patriotskih pjesama, koje su izveli članovi hora Osnovne škole „Meša Selimović“, a nastupili su i članovi KUD-a „Daire“.

Također, prisutni su imali priliku pogledati izložbu ratnih fotografija, autora Ismeta Bajrovića, koja je bila izložena u holu u zgradi Općine Novi Grad.



Izložba ratnih fotografija autora Ismeta Bajrovića

Obilježeni dani novogradskih mjesnih zajednica

Polaganjem cvijeća na spomen-obilježja i mezarja šehidima i poginulim borcima Armije RBiH, u periodu od 27. februara 2015. godine do 18. maja 2015. godine u općini Novi Grad obilježeni su dani sljedećih mjesnih zajednica: „Čengić Vila“, „Saraj Polje“, „Olimpijsko Selo“, „Dobroševići“, „Staro Hrasno“, „Švrakino Selo III“, „Alipašino Polje A-I i A-II“, „Naselje heroja Sokolje“, „Briješće“, „Alipašino Polje C-II“, „Otoka“ i „Alipašin Most II“. Obilježavanju su prisustvovali predstavnici Općine Novi Grad Sarajevo, Savjeta mjesnih zajednica, političkih partija koje egzistiraju u Općinskom vijeću Novi Grad Sarajevo, boračkih udruženja i članovi porodica poginulih. U programu obilježavanja učestvovali su učenici novogradskih osnovnih škola, koji su za ovu priliku pripremili prigodan kulturno-zabavni program. Također, upriličene su i svečane sjednice, na kojima su pojedincima i kolektivima uručene zahvalnice za doprinos u razvoju mjesne zajednice.

Švrakino selo III



Alipašino polje A I i A II



Čengić Vila



Dobroševići



Otoka i Alipašin most II



Saraj polje



Staro Hrasno



Briješće



Olimpijsko selo



Aneks



Naselje Heroja Sokolje



POVODOM 1. MARTA - DANA NEZAVISNOSTI BIH

Položeno cvijeće na spomen-obilježja u Novom Gradu Sarajevo

Povodom 1. marta – Dana nezavisnosti Bosne i Hercegovine, delegacija Općine Novi Grad Sarajevo predvođena predsjedavajućom Općinskog vijeća Edinom Gabela, pomoćnikom Općinskog načelnika za boračka pitanja, rad, socijalna pitanja i zdravstvo Tajibom Delalićem i pomoćnikom Općinskog načelnika za obrazovanje, kulturu, sport i lokalni integrisani razvoj Općine Novi Grad Elvirom Resićem, položila je cvijeće na spomen-obilježju šehidima i poginulim borcima na Trgu ZAVNOBiH-a u B-fazi naselja Ali-pašino Polje.

Tom prilikom, predstavnici Općine Novi Grad Sarajevo, zajedno sa članovima porodica poginulih, vijećnicima OV Novi Grad, predstavnicima boračkih udruženja i savjeta MZ Ali-pašino Polje B-1 i B-2, odali su počast hrabrim sinovima Armije RBiH koji su za odbranu naše domovine dali svoje živote.

Cvijeće na spomen-obilježje na Trgu ZAVNOBiH-a položili su i predstavnici Gradske uprave i Gradskog vijeća Sarajeva.



U OPĆINI NOVI GRAD POTPISANI UGOVORI

Podrška radu boračkih udruženja

U Općini Novi Grad Sarajevo, 29. aprila 2015. godine, potpisani su ugovori o finansiranju projekata nevladinih neprofitnih udruženja koja okupljaju boračku populaciju sa područja Novog Grada. Ugovore je sa predstavnicima 16 boračkih udruženja, potpisao Tajib Delalić, pomoćnik načelnika Općine Novi Grad Sarajevo za boračka pitanja, rad, socijalna pitanja i zdravstvo. Za ove namjene Općina Novi Grad Sarajevo je iz ovogodišnjeg budžeta izdvojila 170. 000 konvertibilnih maraka. Sredstva će biti iskorištena za finansiranje rada uposlenika četiri boračka udruženja, za obilježavanje značajnih datuma, ličnosti i događaja, kao i druge aktivnosti koje provode ova udruženja. Kako je kazao Tajib Delalić, novčana sredstva u iznosu od 170. 000 KM raspoređena su prema Odluci koju je donijelo Općinsko vijeće Novi Grad, u martu ove godine. Iz tih sredstava finansirano je obilježavanje Dana Armije RBiH, dok je preostali iznos sredstava raspodijeljen udruženjima. Delalić je istakao da će Općina Novi Grad i u narednom periodu nastojati da pomaže rad boračkih udruženja, te da ova lokalna zajednica sve aktivnosti oko obilježavanja značajnih datuma, ličnosti i događaja, provodi u saradnji sa ovim udruženjima. Dodao je da je u okviru manifestacije „Novogradskidani 2015“ planirano najviše aktivnosti oko obilježavanja značajnih datuma i događaja, od kojih je najznačajnije obilježavanje 8. juna – Dana odbrane Općine

Novi Grad i bitke za brdo Žuč, koje će se održati na platou na Žuči. Osman Đozo, predsjednik Udruženja ratnih vojnih invalida Novi Grad Sarajevo kazao je da će sredstva koja su im dodijeljena ove godine biti iskorištena za obilježavanje datuma, ličnosti i događaja iz perioda agresije na BiH, kao i za finansiranje uposlenika ovog udruženja. "Obzirom na to da naša djeca ne uče u školi o onome šta nam se desilo u proteklom ratu od 92. do 95. godine, na nama je da obilježavamo značajne događaje iz tog perioda i mlađim naraštajima pričamo šta nam se desilo. Ako se mi ne budemo sjećali onih koji su za odbranu naše domovine od agresije dali svoje živote i pričali djeci pravu istinu, bojimo se da nam se istorija ne ponovi. Podrška Općine Novi Grad nam puno znači, jer bez ovih sredstava nebi mogli obići sva stratišta, gdje smo se borili i gdje su naši saborci ginuli", rekao je Đozo. Ovom prilikom, predstavnici boračkih udruženja izrazili su zahvalnost Općini Novi Grad koja je na jedinstven način obilježila jedan od najznačajnijih datuma u historiji naše zemlje - Dan Armije RBiH, okupivši više od hiljadu i po boraca, branitelja domovine na jednom mjestu. "Veličanstveni skup koji je upriličen za pripadnike svih boračkih populacija u dvorani "Ramiz Salčin" pokazatelj je koliko ova lokalna zajednica pridaje važnosti borcu koji je branio i odbranio Novi Grad, Sarajevo i BiH od agresora", rečeno je između ostalog tokom potpisivanja ugovora sa predstavnicima novogradskih boračkih udruženja.

NA PLATOU BOSANSKE TRŽNICE NA DOBRINJI ODRŽANA ČETENIJADA



Pravljenje četenije uz druženje, pjesmu, muziku i degustaciju

Na platou Bosanske tržnice na Dobrinji, 21. marta 2015. godine, pred velikim brojem prisutnih građana, održana je četenijada – takmičenje u pravljenju četenije, tradicionalne bosanskohercegovačke halve. Manifestaciju je organiziralo Udruženje građana „4T“ Tarevci iz Modriče, čiji se domaći poljoprivredni proizvodi uz proizvode ostalih udruženja iz šireg dijela BiH, mogu kupiti u „Bosanskoj tržnici“ na Dobrinji. Manifestacija, čiji je cilj da se naši tradicionalni običaji otrgnu od zaborava, održana je uz prigodan kulturno-umjetnički program. Bila je to prilika za nesvakidašnje druženje uz muziku, pjesmu i mnoštvo bh. folklornih igara, koje su izveli članovi nekoliko folklornih grupa iz Modriče i KUD Gajret iz Sarajeva. Uz sve to, prisutni su imali priliku gledati cijeli postupak pravljenja četenije, ali i degustirati je. Prisutnima je dobrodošlicu poželio načelnik Općine Novi Grad Sarajevo Semir Efendić, koji je najavio da će se pored druženja, na platou Bosanske tržnice i u

budućnosti organizirati slični događaji. Da bi se četenija napravila potrebno je provesti niz obreda, pa je i sam čin pravljenja veoma zanimljiv, a o ovoj tradicionalnoj poslastici, jednoj vrsti bosanske halve, govorio je novinar, publicist i ljubitelj sevdalinke Vehid Gunić. On je izrazio zadovoljstvo što se na ovakav način oživljava tradicija. Gunić je objasnio da je četenija nastala od arapske izvedenice četen, a da je samo pripremanje četenije u prošlosti predstavljalo jedan oblik društvenog događaja. On je zahvalio Općini Novi Grad Sarajevo i Udruženju „4T“ iz Tarevaca što na ovakav način doprinose očuvanju naše bogate tradicije. Kako je kazao Mustafa Mustajbegović, predsjednik Udruženja „4T“ Tarevci, četenija je, koja se pravi od šećera, vode, brašna i limuna, ranije bila glavna zanimacija djevojaka i momaka, a ovaj je običaj danas gotovo zaboravljen. U želji da se od zaborava sačuvaju fini bosanski običaji, ovo je udruženje organiziralo niz ovakvih manifestacija u Modriči, a tu tradiciju, uz podršku Općine



Novi Grad, nastoji prenijeti i u Sarajevo. U takmičenju je učestvovalo sedam ekipa iz Sarajeva, Modriče, Gračanice, Gradačca i Bjelimića. Prema ocjenama stručnog žirija, najbolju četeniju napravila je ekipa „4T“ Tarevci. Drugo i treće mjesto zauzele su ekipe „Gračaničko keranje“ i Udruženje građana „Bjelimićani“. Pobjedničkim ekipama uručene su diplome i nagrade.

PODRŠKA OPĆINE NOVI GRAD PORODICAMA SA TROJE I VIŠE DJECE

Uručena rješenja za dodjelu novčane pomoći u iznosu od 500 KM

Porodice koje dobiju treće dijete i svako naredno, kao i one koje dobiju blizance, bez obzira koja su djeca po redu, dobit će jednokratnu novčanu pomoć

Općina Novi Grad Sarajevo od ove godine realizira projekat dodjele jednokratne novčane pomoći porodicama koje dobiju treće, četvrto i svako naredno dijete ili blizance, kao jedan vid podrške natalitetu i osnaživanju porodice.

Tim povodom, 17. aprila i 13. maja 2015. godine, u zgradi Općine upriličena su svečana uručjenja rješenja za dodjelu jednokratne pomoći za 14 porodica koje su u ovoj godini dobile treće i peto dijete, te blizance. Rješenja su uručili načelnik Općine Novi Grad Sarajevo Semir Efendić i predsjedavajuća Općinskog vijeća Novi Grad Edina Gabela.

Tom prilikom, načelnik Efendić je kazao da Općina Novi Grad na ovaj način želi pružiti podršku natalitetu. „S obzirom da ova oblast na nivou države nije sistemski na adekvatan način uređena, mi smo uz podršku Općinskog vijeća, a na inicijativu predsjedavajuće Edine Gabela, donijeli odluku da porodicama sa troje i više djece, i onim koje dobiju blizance dodijelimo jednokratnu pomoć. Drago mi je da su danas sa nama članovi prvih pet porodica, kojima će pomoć te vrste biti uručena. Prema informacijama nadležne službe, već imamo 50-ak zahtjeva za dodjelu ovih sredstava, tako da će biti još korisnika ove vrste podrške od strane Općine Novi Grad“, rekao je načelnik Efendić.

Dodao je da je iz ovogodišnjeg budžeta Općine za ovu namjenu izdvojeno 60.000 KM, a ukoliko to ne bude dovoljno, dodatna sredstva bit će osigurana kroz rebalans budžeta, tako da neće doći u pitanje isplata ovih sredstava.

Predsjedavajuća Gabela je izrazila zadovoljstvo realizacijom ovog projekta i brojem novorođene djece u našoj općini u ovoj godini. „Drago mi je da smo upriličili ugodno druženje sa roditeljima i našom dječicom, odnosno najmlađim sugrađanima u Općini Novi Grad Sarajevo. Novi Grad je najmnogoljudnija Općina u BiH, a imat ćemo i najveći broj beba. Cilj ovog projekta je jačanje porodice. Znači, fokus nam je porodica i želimo dati doprinos stabilnosti i osnaživanju porodice, te pomoći mladim roditeljima u njihovom sretnom početku“, naglasila je predsjedavajuća Gabela.

Porodice koje dobiju treće i svako naredno dijete, kao i porodice koje dobiju blizance bez obzira koja su djeca po redu, od Općine Novi Grad dobit će po 500 KM.



Rođenje trećeg sina

Irma Ahmić, početkom ove godine dobila je trećeg sina. Kazala je da joj pomoć Općine Novi Grad itekako mnogo znači. „500 maraka nije malo, veliki su troškovi, država ne brine o natalitetu, divno je što se neko sjetio majke, odnosno porodica sa više djece“, istakla je ova mlada majka.

I Adisa Avdić, početkom godine je rodila trećeg sina. Sretna zbog toga, kaže da ima veliku podršku supruga i svekrve. „Ova podrška Općine puno mi znači, jer nije jednostavno živjeti u ovoj ekonomskoj krizi, burnom životu..., ali eto ja volim djecu i odlučila sam se za treće. Ne kajem se. Nije teško, pomažu mi i stariji dječaci. Divno je to što se neko sjetio nas, porodica sa više djece. To je jedan znak pažnje, znak da neko misli na vas. Zaista sam prezadovoljna današnjim prijemom u ovoj lokalnoj zajednici“, istakla je Adisa.

ZA KUPOVINU UŽINA IZ OPĆINSKOG BUDŽETA IZDVOJENO 110. 000 KM

Osigurane użine za više od hiljadu novogradskih đaka



Općina Novi Grad Sarajevo i ove godine finansira kupovinu użina za učenike novogradskih osnovnih škola slabijeg materijalnog stanja. Za te namjene iz ovogodišnjeg budžeta izdvojeno je 110. 000 konvertibilnih maraka, a użina je osigurana za više od hiljadu novogradskih osnovaca.

Tim povodom, 8. maja 2015. godine, u zgradi Općine potpisan je ugovor o nabavci i sporuci użina sa predstavnicima kompanije Sprind d.d. Ugovor su potpisali pomoćnik načelnika Općine Novi Grad Sarajevo za obrazovanje, kulturu, sport i lokalni integrisani razvoj Elvir Resić i direktor Sarajevske prehrambene industrije Sprind Memnun Trako, a svečanom potpisivanju prisustvovali su i komercijalni direktor Sprinda Milenko Banović i direktori osnovnih škola s područja općine Novi Grad Sarajevo.

Tom prilikom, Resić je kazao da Općina Novi Grad svake godine iz budžeta izdvaja sredstva za nabavku użina za djecu koja su u malo težem materijalnom stanju.

„Više od hiljadu učenika iz svih novogradskih osnovnih škola će dobiti użine. Za dobavljača użina odabrali smo Sprind d.d. koji je zadovoljio sve uslove i kriterije koji su traženi u postupku provođenja procedure javne nabavke. Nadležna općinska služba će pratiti implementaciju ugovora, što znači da ćemo sve učiniti da isporuka użina bude efikasna i na vrijeme i naravno kvalitetna, jer su nam, prije svega, zdravlje djece i njihova pravilna ishrana prioritet“, izjavio je Resić.

Prilikom svečanog potpisivanja ugovora, direktor Trako zahvalio je Općini Novi Grad koja je prepoznala ovu kompaniju kao vodećeg proizvođača hljeba, peciva i polugotovih jela i izabrala je za snabdjevača użinama.

Komercijalni direktor Sprinda Milenko Banović, kazao je da je prednost ove Sarajevske prehrambene industrije u odnosu na druge, to što je dugo godina prepoznatljiva po izuzetno kvalitetnim proizvodima.

Osim toga, kako je istakao Banović, ova kompanija posjeduje ISO 9001:2008 i HACCP standarde kvalitete, što omogućava veću transparentnost i efikasniji nadzor i upravljanje svim proizvodnim procesima. Također, svi proizvodi su pod stalnim nadzorom i strogom kontrolom relevantnih institucija, ustanova i inspekcija. „Redovna kontrola kvalitete i zdravstvene ispravnosti hrane nam je vrlo važna, naročito kada je u pitanju đaka populacij. S druge strane, sretni smo i zbog činjenice da na ovaj način kod mladih ljudi stvaramo osjećaj pripadnosti domaćoj proizvodnji, tako da od ranog djetinjstva shvate da je prednost u domaćem proizvodu“ rekao je Banović.

Dodao je da će učenicima biti na raspolaganju petnaestak raznovrsnih Sprindovih proizvoda iz slanog i slatkog programa, tako da će djeca svaki dan za użinu imati nešto novo. Obrok je prilagođen uzrastu djece kako po količini, tako i po kaloričnoj vrijednosti i sadržaju obroka.

JAVNA TRIBINA U OPĆINI NOVI GRAD: NOVI NAČIN KOMUNICIRANJA SA GRAĐANIMA I JAVNOŠĆU

Od polovine decembra prošle godine u Općini Novi Grad Sarajevo redovno se održavaju javne tribine, na kojima se govori o temama iz različiti oblasti • Do sada je održano ukupno devet tribina, od kojih ćemo u nastavku teksta prezentirati četiri koje su održane u periodu od 11. marta do 22. maja 2015. godine.

Ne treba podržati donošenje federalnog zakona o premjeru i registraciji nekretnina

Uvodničari i gosti tribine uputili su apel Parlamentu Federacije BiH da se ovakav Nacrt Zakona o premjeru i registraciji nekretnina ne podrži, te da isti treba biti detaljno analiziran i izmijenjen kako njegove odredbe ne bi bile na štetu građana

U srijedu 11. marta 2015. godine, u Općini Novi Grad Sarajevo održana je javna tribina o temi „Reforma propisa iz imovinskopravne oblasti i katastra“, na kojoj je rečeno da Federalni parlament provodi proceduru javne rasprave o Nacrtu zakona o premjeru i registraciji nekretnina u Federaciji



BiH, koji je poguban po pravnu sigurnost građana, suprotan Evropskoj povelji o lokalnoj samoupravi i da će nas, ukoliko bude usvojen, odvesti na put bez povratka u toj oblasti.

Naime, novi zakon predviđa ukidanje gruntovnice u sudovima koji već više od stotinu godina vode evidenciju vlasništva fizičkih i pravnih lica, dok općinski organi vlasti vode katastar i premjer nekretnina. Prema novom zakonu, premjer nekretnina bi vršile privatne firme kojima će licencu izdavati Federalna geodetska uprava, a registraciju i evidenciju vlasništva vršit će kantonalne geodetske uprave koje bi tek trebalo da se formiraju.

U većini evropskih država, ove poslove vrše centralizovano državne geodetske uprave sa lokalnim ispostavama u svakoj lokalnoj zajednici. Prema mišljenju učesnika tribine, u BiH treba jačati samo državni i lokalni nivo vlasti. S obzirom da država sada nema nikakvih nadležnosti u ovoj ključnoj oblasti državnih poslova, najbolje je da oni ostanu u nadležnosti lokalne zajednice. Nacrt zakona koji je usvojio Federalni parlament u potpunosti razvlašćuje općine i sudove u ovom poslu, a nadležnosti dodjeljuje kantonalnim i federalnim organima vlasti, koje bi u budućnosti trebalo reducirati i ukidati, a ne dodatno jačati dodjelom ključnih državnih poslova u njihovu nadležnost.

Istaknuto je da bi se donošenjem ovog zakona najviše štete nanijelo građanima, koji bi se za rješavanje pitanja iz imovinskopravne oblasti morali obraćati Kantonu umjesto lokalnoj zajednici koja te poslove obavlja dosta efikasnije od kantonalnih i federalnih organa. Za državu sa ovako nestabilnim političkim sistemom institucija, od izuzetnog značaja je da evidenciju privatnog i svakog vlasništva vode sudovi, a ne organi izvršne vlasti koji su najčešće pod političkim utjecajima, a pitanje je kada ćemo doći u fazu u kojoj će ti organi ove poslove moći vršiti nepristrasno i na osnovu činjenica kako sada rade sudovi (gruntovnice).

Uvodničari tribine bili su Emir Bubalo, načelnik Općine Konjic i član Predsjedništva Saveza općina i gradova FBiH, i Jusuf Čaušević, šef Odsjeka za imovinskopravne poslove Općine Novi Grad Sarajevo. Tribini su prisustvovali predsjedavajući Zastupničkog doma Parlamenta FBiH Edin Mušić, federalni zastupnici Aiša Čenanović, Safet Kešo, Muharem Fišo i Dževad Hodžić, načelnik Općine Novi

Grad Semir Efendić, predsjedavajuća Općinskog vijeća Novi Grad Edina Gabela, predstavnici općina u FBiH, obrazovnih ustanova, advokati, pravnici, te brojni građani.

Načelnik Bubalo je govorio o štetnim posljedicama koje bi prouzrokovalo donošenje novog zakona. Naglasio je da se, pored oduzimanja nadležnosti iz oblasti imovinskopravnih odnosa, prijedlogom zakona o premjeru i registraciji nekretnina ukidaju veoma bitne nadležnosti općinama, a koje su Zakonom o principima lokalne samouprave i Evropske povelje o lokalnoj samoupravi utvrđene kao isključive nadležnosti lokalnih samouprava.

Uvodničari i gosti tribine uputili su apel Parlamentu Federacije BiH da se ovakav nacrt zakona o premjeru i registraciji nekretnina ne podrži, te da isti treba biti detaljno analiziran i izmijenjen kako njegove odredbe ne bi bile na štetu građana.

„Oslobađanje Sarajeva 1945“

U četvrtak 2. aprila 2015. godine u Općini Novi Grad Sarajevo održana je sedma javna tribina, upriličena povodom obilježavanja Dana oslobođenja Sarajeva 1945. godine. Uvodničari tribine bili su historičari Almira Memić i magistar Mevludin Dizdarević.

Uvodničari tribine govorili su o značaju oslobađanja Sarajeva od nacističke okupacije. Istaknuto je, međutim, da je u historijskim udžbenicima zanemaren jedan vrlo važan datum, a to je 5. april 1945, kada je 16. muslimanska brigada, sastavljena uglavnom od Bošnjaka, ušla u Sarajevo i sa Vijećnice skinula nacističku zastavu. Ova jedinica poslana je na sjever prema Odžaku, a tek sutradan u Sarajevo su ušle partizanske brigade iz Srbije i Crne Gore.

„Iz historije ne možemo uzimati ono što nam se sviđa, a odbacivati ono što nam se ne sviđa. Dužni smo utvrđivati historijske činjenice i kao takve ih prezentirati. Nažalost, komunisti su brisanjem historijskih činjenica koje su se desile 5. aprila 1945. željeli negirati antifašističku ulogu Bošnjaka. Rezultat takvog odnosa prema historiji je procesuiranje i likvidacija velikog broja sarajevskih i bosanskih alima, istaknutih Bošnjaka, ali i običnih građana“.

Profesorica Memić je prisutne upoznala sa nekoliko faza u razvoju grada Sarajeva, ukazavši na činjenicu da je malo koji grad prošao kroz takva historijska iskušenja kao Sarajevo. „Simbolično je da su 6. aprila 1941. godine nacisti prvi put bombardirali Sarajevo i da je agresija na Sarajevo 1992. godine počela upravo na ovaj dan. Ipak, dužni smo širu javnost upoznati da je oslobađanje glavnog grada BiH 1945. godine vezano i za 5. april. Ove činjenice moraju naći svoje mjesto u udžbenicima historije prema kojima poučavamo nove generacije“.

„Iz historije književnog jezika“

Jezik je temelj identiteta svakog naroda

U Općini Novi Grad, 29. aprila 2015. godine održana je javna tribina pod nazivom „Iz historije književnog jezika - bosanska jezička baština od 10. do 19. stoljeća“. Uvodničari na ovoj tribini bili su dr. sc. Alen Kalajdžija, direktor Instituta za jezik, i mr. sc. Mehmed Kardaš. Tribini je, pored učenika novogradskih škola, prisustvovao veliki broj nastavnika i profesora bosanskoga jezika koji su nakon izlaganja aktivno učestvovali u razgovoru postavljajući pitanja i predstavljajući vlastita iskustva iz nastave maternjeg jezika. Kalajdžija i Kardaš ponudili su prisutnima vrlo kompetentni, nadasve, sistematičan pregled razvoja bosanskoga jezika i pismenosti na

bosanskome jeziku od 10. do 19. stoljeća, ukazujući na najznačajnije jezičke fenomene iz srednjovjekovnog i osmanskog perioda. Govoreći o srednjovjekovnoj bosanskoj pismenosti Kardaš je ukazao na važnost proučavanja bogate srednjovjekovne građe, najvećim dijelom povelja bosanskih banova i kraljeva i lapidarne književnosti, te prezentiranja najnovijih naučnih saznanja o fenomenima koji potvrđuju bogato stvaralaštvo na bosanskome jeziku iz naše davne prošlosti. Na kontinuirani razvoj bosanskoga jezika i pismenosti na bosanskome jeziku ukazao je Kalajdžija koji je govorio najprije o fenomenu krajišničkih pisama kao obliku administrativne korespondencije, u kojem se naslijeđuju brojne zakonitosti karakteristične za bosansku srednjovjekovnu redakciju, a zatim i o alhamijado književnosti, specifičnom književnom izrazu koji nastaje kombiniranjem bosanskoga i arapskoga pisma. Kalajdžija je, također, spomenuo rani leksikografski rad Mehmeda Hevai Uskufija „Makbuli arif“ iz 1631. godine (prvi bosansko-turski rječnik) te djelo „Bosansko-turski učitelj“ Ibrahima Berbića.

Uvodničari tribine zaključili su da sporenje historijski kontinuiranog razvoja bosanskoga jezika nema nikakvo naučno utemeljenje i da je vrijeme da se, govoreći o bosanskome jeziku, koristimo isključivo činjenicama. Pozdravili su interes koji Općina Novi Grad pokazuje za mnoge važne teme, među kojima je i jezik, kao temelj identiteta svakog naroda.

23. GODIŠNJICA PRIJEMA REPUBLIKE BiH U ORGANIZACIJU UN-a: 22. maj historijski je važan datum za opstanak države BiH

U povodu obilježavanja 23. godišnjice prijema Republike Bosne i Hercegovine u članstvo Ujedinjenih nacija, danas je u prostorijama Općine Novi Grad Sarajevo, održana javna tribina o temi „Historijski maj“.

Uvodničari tribine bili su profesori Džemal Najetović i Emir Omerović, a prisustvovali su učesnici iz sektora osnovno - školskog obrazovanja, mjesne samouprave, nevladinih organizacija, boračkih udruženja, politički aktivisti, službenici, studenti, učenici i građani. U uvodnom izlaganju rečeno je da Bosna i Hercegovina kao država ima dugu historiju koja se računa već od Povelje Kulina bana, objavljene 1.189. godine, te da je 22. maj - Dan prijema BiH u članstvo Ujedinjenih nacija historijski važan datum za opstanak države BiH, jer je izbor bio ili ostati ovisan o susjednim zemljama ili graditi nezavisnost. U tom smislu je istaknuto da nezavisnost tada, a ni sada nema alternativu. Profesor Omerović je kazao da odgovornost za jaču, bolju i prosperitetniju BiH imaju svi, kroz individualno i kolektivno jačanje sistema pravne države, obrazovanja, informisanja, afirmaciju rada, pozitivnih društvenih vrijednosti na bazi naučenih lekcija iz prošlosti i dobrih praksi uspješnih. Na tribini je naglašeno da bi njegovanje datuma prijema BiH u UN, 22. maja trebalo biti sastavni dio sistema sveukupnog javnog djelovanja od politike, vlasti, obrazovanja, informisanja... Učesnici različitih struktura su pozdravili održavanje javnih tribina u Općini Novi Grad Sarajevo i ovu ocijenili kao jednu od korisnijih javnih tribina za podizanje svijesti i odgovornosti aktera društvenog razvoja i jačanja države Bosne i Hercegovine, razumijevajući relevantne historijske činjenice i realitete promjena u globalnom svjetskom poretku.

Mjesne zajednice "Staro Hrasno" i "Čengić Vila"

MZ "Staro Hrasno"

Mjesna zajednica "Staro Hrasno" zauzima površinu od 201. 814 metara kvadratnih. Jedna je od najstarijih mjesnih zajednica na području općine Novi Grad Sarajevo. Smještena je u stambenoj zgradi u ulici Antuna Branka Šimića broj 6. Na području mjesne zajednice nalazi se 1.326 domaćinstava, oko 3.510 stanovnika, od toga 2.120 Bošnjaka, 790 Srba, 528 Hrvata i 72 ostalih.

Mjesnu zajednicu čini urbani i ruralni dio naselja sa sedam ulica, 26 stambenih jedinica kolektivnog stanovanja sa 100 ulaza i oko 250 jedinica individualnog stanovanja. Intenzivna izgradnja urbanizirane gradske cjeline počela je sedamdesetih godina prošlog stoljeća, tako da su u urbanom dijelu nekad prigradskog naselja, nikle prve višerspratnice, koje su uselili jednim dijelom stanovnici preduzeća Željeznica BiH. Dan mjesne zajednice obilježava se 6. aprila, na dan obilježavanja oslobođenja Grada Sarajeva.

Na području mjesne zajednice djeluje 15 privrednih subjekata, a tu se nalaze i dva veća tržna centra, te predškolska ustanova, nekoliko nevladinih organizacija među kojima je i Udruženje penzionera Općine Novi Grad Sarajevo, Udruženje za promociju društvene odgovornosti "Moba". Fondacija "krila nade" i dr.

MZ "Čengić Vila"

Mjesna zajednica "Čengić Vila" zauzima površinu od 166.347 metara kvadratnih, prema neprovjerenim podacima formirana je 1968/69. godine i bila je u sastavu Općine Novo Sarajevo. Odlukom ratnog Predsjedništva Opštine Novi Grad Sarajevo 27. februara 1994. godine, izmijenjen je naziv MZ "Petar Dokić" u "Čengić Vila". Dan ove MZ, Odlukom Savjeta određen je 27. februara, na dan kada je MZ dobila sadašnji naziv. Mjesna zajednica je smještena u ulici Gradačacka broj 22. Na području mjesne zajednice ima 1.795 domaćinstava sa 4.441 stanovnik. Prema evidenciji stanovnika najviše ima Bošnjaka 2.990, zatim 700 Srba, 699 Hrvata i 52 ostalih.

Mjesna zajednica je urbano naselje, na čijem se prostoru nalaze dvije ulice: Gradačacka i Ilije Engela, a čini je 25 stambenih jedinica kolektivnog stanovanja i dvije stambeno-poslovne zgrade koje se nalaze se u Gradačackoj i ulici Ilije Engela. Obzirom da je ova mjesna zajednica formirana prije četrdesetak godina na njenom području su izgrađeni objekti sa potrebnim sadržajima od osnovne škole do zelene pijace. U dvorištu OŠ "Osman Nakaš" nalazi se spomen-obilježje šehidima i poginulim borcima Armije RBiH i spomen-obilježje ispred ulaza u stambenu zgradu ulici Ilije Engela br. 13.

Predsjednici i članovi Savjeta

Na izborima za članove savjeta mjesnih zajednica Općine Novi Grad Sarajevo, 7. decembra 2013. godine, za predsjednika Savjeta MZ "Staro Hrasno" izabran je Kemo Zilić, a za članove: Mirza Bećirspahić, Milena Bojanić, Jasminka Kurtović, Emina Kundo, Senad Velić i Kemal Tuzlak.

Rasim Sadiković, predsjednik je Savjeta Mjesne zajednice "Čengić Vila", a članovi su: Asim Demirović, Kasim Vila, Ljerka Papić, Samir Bećirević, Aldijana Ahmedhodžić i Sergej Miljković.



Kemo Zilić



Rasim Sadiković



19. TRADICIONALNA
MANIFESTACIJA



"NOVOGRADSKI DANI"
2015. 30. 5. - 30. 6.



Općina Novi Grad
Sarajevo

ENES BEGOVIĆ

Četvrtak, 11. 6. u 20 sati
Sportska dvorana "Srce" u Buča Potoku



Bosanska tržnica
DOBRINJA

Srebrni sponzor manifestacije



Srebrni sponzor manifestacije





Općina Novi Grad
Sarajevo

ROK SPEKTAKL U NOVOM GRADU

10. izdanje
"NOVOGRADSKI DANI"
2015. 30. 5 - 30. 6



ZABRANJENO PUŠENJE



nedjelja, 14. juni
u 21 sat
ispred Sportske
dvorane „Dobrinja“



Srebrni sponzor manifestacije



Srebrni sponzor manifestacije



Sponzor koncerta
ZABRANJENO PUŠENJE

